

沈南疑先生樵李詩繫第四十卷目次題詠

平湖金南鏌夏聲校閱

明

羅洪先一首

唐順之二首

王守仁五首

方豪一首

任洛一首

呂屏三首

田汝成一首

蔡汝楠一首

史朝宜一首

沈奎一首

劉鳳一首

陳良猷一首

陳潤一首

嚴嵩二首

徐階一首

王問一首

李攀龍一首

王世貞四首

吳國倫三首

徐渭二首

王穉登十首

莫如忠一首

申時行一首

皇甫汈一首

王叔承一首

潘梅一首

趙桓一首

陳履一首

鄧厚岳一首

曹代蕭一首

趙世顯一首

袁宏道二首

童佩一首

屠隆四首

龔勉四首

管橘二首

劉應鈞一首

曹維藩一首

李暢一首

沈明臣一首

湯顯祖二首

程嘉燧二首

唐其諒一首

孫孟吉一首

朱純一首

王渙一首

王三陽一首

陳冕一首

郭蒙一首

董其昌二首

李培一首

蕭鳴甲一首

陳熙昌一首

陳子壯一首

章士雅四首

黃輝一首

鍾順一首

陳繼儒一首

葛一龍一首

廖孔說一首

黃一首

俞安期一首

樊維城五首

楊撫一首

蔣愷四首

黃景昉一首

朱應祥五首

樊志張一首

潘暘升七首

劉繩之一首

胡應麟一首

陳鶴二首

張岐一首

陳垣一首

周相一首

張弼至一首

李恕一首

陳子龍一首

陸應陽一首

周昇一首

沈艾一首

趙宦光一首

汪明際一首

沈友儒一首

無名氏一首

釋德祥一首

釋觀白一首

席應珍二首

釋洪恩一首

釋普莊一首

釋圓信一首

徐小淑一首

范壺貞一首

吳山一首

湯淑英一首

沈南疑先生樵李詩繫第四十卷目次終

沈南疑先生橋李詩繫第四十卷目次

或盡真一首

長安一首

默創言一首

念小地一首

群共思一首

群共思一首

無字引一首

無字引一首

沈南疑先生橋李詩繫第四十卷

文見

平湖 金南鏌 夏聲

校閱

明

羅洪先

字達夫吉水人官贊善

題天寧寺塵外樓和唐荆川韻

高閣春殘始一登忽忘去住似遊僧齋鐘已罷鳥初下
江雨欲來雲自蒸笑指風旛看動息屢從火宅試飛騰
年來漸解無生法誰信生前也試曾

唐順之

字荆川武進人官都御史

題天寧寺塵外樓

閒裏香臺盡日登默然一笑又逢僧衣裁野薜緇塵淨

飯試山精石鼎蒸大士西方談實相仙人東海說飛騰
人間多少上羊路一一行來也未曾

題趙漸齋序芳園

爲耽泉石謝塵纓散髮扁舟羨獨行數畝荒廬堪自老
滿川鳧鷖欲相迎已知野叟無機事不向漁翁說姓名
余亦洞庭洲畔客因君轉切故鄉情

王守仁

字伯安餘姚人官
尚書封新建伯

從海日公授徒資聖寺登杏花樓賦

東風日日杏花开春雪多情故換胎素質翻疑同苦李
淡粧新解學寒梅心成鐵石還誰賦凍合青枝亦任猜
迷却晚來沽酒處午橋真訝灞橋迴

附考寺在海鹽治西五十步本晉右將軍戴威宅井中發
五色光捨爲寺海中行舟望此塔爲標的中有杏花樓云

遊金粟寺

金粟峰頭縱遠觀山林不動萬松寒飛厓瀉碧雨初歇
古澗流紅春欲闌佛地移來龍窟小僧房高借雀巢寬
飄然便覺離塵土一笑天風振羽翰

贈芳上人歸三塔

秀水西頭久閉關偶然飛錫出塵寰調心亦復聊同俗
習定由來不在山秋晚菱歌湖水濶月明清磬塔牕閒
毘盧好是嵩山笠天際仍隨日影還

寓海鹽資聖禪房

落日平堤海氣黃短亭衰柳艤孤航魚帆入市乘潮晚

鼓角收城返棹忙
人世道緣逢郡博
客途歸夢借僧房
一年幾度頻畱此
他日重來似故鄉

石門晚泊

風雨石門晚
停舟問舊遊
烟花春欲盡
惆悵遠溪頭

方豪

字棠陵東陽人
正德時官副使

晚洲吟

鴛鴦湖邊落日明
荷花十里櫂歌清
文人自折碧筒飲
醉倚胡牀海月生

任洛

字仲伊鈞州人
正德時桐鄉令

皂林古驛

碧樹雲林隱驛樓
新題舊咏姓名畱
停舟莫向斜陽裏

楊柳烟蕪縮客愁

呂屏

太倉人正德時以
貢授嘉善學訓

過祥符蕩

萬頃祥符蕩
今朝載酒過
日熏人易醉
風靜水無波
客路爭搖槳
漁舟漫曬蓑
到家明月上
舞袖正婆娑

附考在嘉善北二十餘里受雙葑南
尤北尤并覽溪諸水達青浦界

泛文水漾

芳塘綠漲潏蒲萄
花壓重樓柳染袍
水護溪橋三四里

太平邨市出英髦

附考漾在嘉善斜塘鎮後有泉縈迴
清澈不滓土人取以釀酒丁旭有記

謝家橋

菜花零落麥初黃
桺絮東風燕子忙
橋下已無王謝宅
年年猶自集空梁

附考橋在嘉善永安鄉

田汝成

字叔禾錢塘人嘉靖間官參議

嘉興晚發別陳子常

江南春盡落花天
桑柘籠烟水滿田
野店酒香新雨後
斷橋人渡夕陽邊
羈懷瀟灑惟歌嘯
世路崎嶇只醉眠
傾蓋逢君成坐久
片帆乘月下吳川

蔡汝楠

字子木德清人嘉靖間官侍郎

烏戍唐氏林亭

訪舊烏溪畔
空林別戍間
鑿池通暗水
移石壘高山
微

雨秋雲後疎花夕
照間平生愛幽寂
于此欲忘還

史朝宜

福建人浙江布政

同沈兵憲狄叅戎登嘉善西城玩月

霜天少涼月清影
上樓白邀權命儔
侶金杯當皓魄
舉袖翻露滋引商
入雲遯萬室烟火
收四顧天寂歷樓
高叅正中境峭思
方益人生良宴會
三五不常獲偶愜
方成權貪趨寧爲
適平時所經遊俯
仰成今昔氣綠覽
眺高情由拘攣側
叅軍美情性沈侯
固遠識酒至每自
斟興來呼五塞而
予不解飲強半聊
自力即事真堪咋
拍肩比莫逆火明
樓下山賓散湖上
鷁今夕雖同遊明
朝各異即不作久
流連因以長相憶

沈奎

江陰人隆慶時為嘉湖兵備

和史大叅

朝發西水濱夕登城上樓憑樓望行客落日明長洲天際征哀雁雲邊急歸舟相攜得高侶呼尊成讌遊滄海放孤月桂滿清光浮良睹豈前期嘉賓信難求露下忘嚴寒城隅行且謳慮淡勢自輕心交意終投此夕是何夕張筵為誰畱中夜忍分袂城戍傳更籌不寐憶清勝翻疑夢初收人生貴適意一遣遺百憂

劉鳳

字子威長洲人官御史

晚行石門鎮望西湖寄杭州太守

乘興遠遊無定期舟行常及暝鐘時河平兩岬月初上

溪到石門帆自遲春來花鳥宜晴日湖上風烟有夢思為報使君多勝事酒澆蘭棹更堪移

陳良猷

字廷弼晉江人桐鄉教諭

爰山仙蛇考見前

金鼎三年大藥成等閒騎雀上蓬瀛惟餘舊日栖真地一壑松陰月自明

陳潤

嘉定人桐鄉訓導

石門故壘

古寨千年尚有基斷碑殘石艸離離風烟不散英雄氣猶似吳兵百戰時

嚴嵩

字介溪分宜人官宰相有鈴山堂集

泛鴛央湖

樓閣開煙霧汀洲似畫圖城陰度窸窣天影入虛無岸
迥傳清吹波淡洗玉壺茲辰春日好畱興在鴛湖

三塔寺畱別子謙徐使君年丈

三塔移舟望若仙穹林翠壑俯江烟鶯花對酒春城麗
鐘梵登樓海日先世路無端頻送客空門不礙擬逃禪
與君更是燕吳別衝雨開帆各惘然

徐階 踰存齋華亭人官宰相

題趙漸齋序芳園

一竿東去意何如蘭芷鷗鳧共隱居晦迹久焚封事艸
遣閒聊註攝生書雀歸世重林逋宅龍臥人方諸葛廬

我病正牽泉石念從君端欲謝簪裾

王問 字裕夫無錫人官僉事有仲山集

嘉禾西津驛簡錢滌齋

萬里真成汗漫遊東來猶為故人畱天光映水潮初靜
花氣逢春暖未收郢國江聲先入夢西津艸色暫登樓
已將身世同虛幻獨自開簾見白鷗

附考西水驛在郡阜成門外

李攀龍 字子鱗歷城人嘉靖時官按察使有滄溟集

烟雨樓

南湖迢迢俯丹梯烟雨蕭條拂檻低越徼層陰千里合
吳門春樹萬家迷江流欲動帆檣外山色遙分睥睨西

一自不齋多暇日新詩還與醉同題

王世貞

字元美太倉人官太僕卿有鳳洲集

莫大叅招飲天寧寺

東風依步屨愛此禪房幽一雨忽秋色諸天來暝愁鳥
隨托鉢下僧逐鳴鐘投尚有三車喻能同信宿留

項女操

君是岐路人女是父母身父母業已許那能不屬君君
今既玉折女豈獨瓦全生當愧白日死當快黃泉丹旄
從東去素旄從西來兩旄東西合纏綿不得開黃蘗化
為松那知苦中久十六項家女千年周家婦君面女不
知女心君應得不似邾家兒倉舒渾未識團欒女貞樹

煜若銀河洗不似韓憑木將情作連理伯夷豈殷民為
殷表君臣首陽一杯土萬古稱其仁我欲竟此曲此曲
悲且長結為金與石融為冰與霜

附考項貞女許配吳江周應初未婚夫死自縊年十九

海鹽石堤觀日出

日者萬物母海為百谷王兩雄未蕩摩衆有皆摧藏天
雞警霄發波臣道余望窮絃露黝紫極際見青蒼回首
顧中原破曉猶茫茫倏忽金輪升流光浴扶桑一髮界
瀟瀟萬鬣競縱橫湛湛天酒晞曄曄雲旗張波將駭駿
上焱與驕龍翔無復虞濛汜陽德熾方昌

弔馬將軍

一代馬新息英風颯至今能將裹革事了却據鞍心樂
府歌都護孤兒備羽林清源務持重不愛肘間金

附考馬呈圖海鹽指揮好古能詩有儒將風嘉靖間倭寇海上自青却犯白馬廟被創而死子繼武擒倭剖心祭父

吳國倫 字明可湖廣人祖籍嘉興嘉靖中進士有齋觀洞稿

途中得吳中望書有感祖墓在嘉興

闕下仙班夢未回白頭相望遠登臺馬經芒部山烟過
雁帶昆明瘴雨來萬里論心天咫尺百年懷土日徘徊
離離高塚虹橋畔猶是延陵王氣開

嘉禾道中

津亭落日繫蘭橈李城臨海國遙百里魚鹽長水市
萬家煙雨瑞虹橋青樓越女歌相屬白苧吳兒舞自嬌

最是江南佳麗地可憐機杼日蕭條

蘇小小墓

我裁錦繡段郎洒薔薇水一顧兩相當持為合歡被

徐渭 字文長山陰人

桐鄉馮母詩二首

三遷近俎苦霜時一尺殊恩湛露垂自古男兒嬰白少
誰家娶婦帝王知高齋客飯寧辭髮落葉寒機幾斷絲
見說仙郎栖海曲更無魚鮓到塘西

青史他年定幾行太夫人傳在中央不須竊藥居明月
自解將心結暗霜片匣遠飛鸞字重單雌親刷鳳毛長
羅敷雖老攜筐在付與吳姬出採桑

附考濮鎮張氏馮倫妻也年二十九夫死課子馮孜登進士詔旌之

王穉登

字百穀長洲人
嘉隆間太學

夜泊嘉禾

此邦名槁李異代產嘉禾
煮海嚴刁斗栽桑富綺羅
魚舟歸市盡雁塔出城多
百里分吳越鄉心奈客何

嘉興夜泊

樓船旗鼓舊征夷槁李城邊屢出師
河遶戰場俱是箭雨當蠶月盡如絲
寶刀亂後條桑用白馬功成負米騎
來泊闔閭軍敗處越人猶自笑吳兒

槁李槁步月

澤國菰蘆色星槁槁李名亂楓丹染寺
高柳碧縈城月

白虹霓臥天寒駟馬行越姬歌並起
一半採蓮聲

附考槁在嘉興治東
五十里入平湖界

平望夜泊四首

魚鱗成石量桑葉論斤賣珍重絲網難
家家月中曬雨多楊梅爛青筐滿山市
兒女當夕飡媯然口唇紫月下壓酒聲
將船繫楊柳明日到家近不須沽一斗
店傍栽紫薇顏色鬪江霞我家庭下樹
歸日正開花

石門曲三首

採桑復採桑蠶長桑葉齊妾住石門東
郎住石門西蠶成桑葉空門前青苧長
一半織郎衣一半結魚網賣絲家復貧
哭解紅羅襦將絲繫妾淚可得作明珠

莫如忠

字子良華亭人
嘉靖間官布政

嘉禾三塔

三塔倚霄半凌兢躡紫烟分標依淨土列構指諸天一
一呈金粟亭亭間白蓮光遙龍藏日劫數雁王年珠拱
慈雲合雕楹法雨懸攀危超上界眺迥鏡迷川舍利存
仍幻浮屠起亦緣我心元不二證取一燈然

申時行

字瑤泉蕪州
人官宰相

登烟雨樓

湖心傑閣敞雲扉雙屐凌高一振衣雨外菰蒲青黯黯
烟中楊柳綠依依平沙水漫魚爭躍遠浦天長鳥倦飛
恍惚瀟湘看暮景憑軒徙倚欲忘歸

皇甫汈

字子循長洲人
官雲南僉事

秦駐山

萬乘畱秦蹕千秋望越山水從溟海外雲自會稽間艸
樹迴窮髮魚龍候駐顏不知徐市去靈藥幾時還

王叔承

字承父
吳江人

入越觀潮同陳濟之諸子石門雨宿

孤帆下石門旅宿暗秋原兩岼蘆荻雨幾家桑柘邨酒
堪今夕醉心與故人論此去錢塘近江潮引客魂

潘梅

廣州人嘉靖
間官郎中

秦駐山

提封猶禹甸望海自秦山萬樹花爭發孤雲鳥共還方

偶從眺覽磴道足躋攀擬叩金銀闕丹砂少駐顏

趙桓字雲川烏鎮
人有感古集

興懷樓

秀溪橋東溪水流朱甍畫檻溪上樓樓中羽客紫霞服
每攜好客閒登遊開裛眺景豁心目遠近溪山畫圖幅
西來百箇芙蓉青東來一曲葡萄綠春烟里巷桑麻邨
桃花小橋脩竹門日紅鳳鳴縣堂曉雲黑龍翔山寺昏
窗屏寂寂絕人語白宦如賓松似主夜可彈琴晝可棋
冬宜白雪夏宜雨我因客路停孤蓬羽人別久今欣逢
焚香瀹茗語終日雍雍兩耳絃歌風羽人告我登樓士
半是壺觴半文史惟有任侯戀闕心紅雲北望三千里

附考在
桐鄉縣

陳履字德基東莞人
隆慶時崇德令

春日邀彥吉集烟雨樓謾賦

秀州城南烟水多當年此地頻經過同遊俱是高陽侶
臨風呼酒還悲歌湖上高樓鎖烟雨歲久荒涼已非故
周遭雨浦只菰蒲來往烟汀但鷗鷺此時遊客皆大驚
一方勝槩徒有名酒酣倚劒湖天暮唏噓感嘆空含情
不堪歲月隨流水世路萍蹤渺難擬鏡裏星霜十二秋
眼中烟水三千里今日重來覓舊遊更邀詞客同登樓
雕窗洞豁霞光入綺檻交疎翠色浮翠色霞光紛不了
詞客憑虛騁吟眺豪懷勃勃薄晴霄共倚春風發長嘯

人閒世事多乘除向時感慨今歡娛與君且進杯中物
風光此後知何如

鄧原岳 字汝高福建人官副使

元夕宴烟雨樓

蕭蕭宿莽暖空洲傑閣平臨湖水頭火樹正當春夕永
星橋還帶暮雲流疎鐘月落僧歸院平墅風高客倚樓
此地相逢揅一醉良宵樽俎暫淹留

曹代蕭 河南人萬曆中郡守

次前韻

烟霧霏霏漾遠洲仙郎青雀到溪頭尊前燈火紛紛下
檻外湖光面面流雪霽春山誰泛棹月明晚渚共登樓

年年樂事堪稱賞肯令東風不暫留

趙世顯 字仁甫福建人萬曆初嘉善學訓

題任氏貞節卷

自苦冰霜操那知歲月深塵埋千里鏡腸斷五絃琴
疊丸熊意悽悽化石心共姜嗟已矣攬卷一沾襟

附考嘉善顧闈妻任氏有奇節三十餘年

袁宏道 字中郎公安人萬曆間官稽勳郎中

嘉興道上古寺

金盡沙為地竹枯水過籬龍池蛙帶子佛頂雀啣兒
古迹錢王是殘經宋代疑道旁龜剥落艸裡臥豐碑

嘉興道中

彌野桑成市排溪柳作衙菜香齊吐甲樹暖欲蒸花天
色滑如郊江容潤似紗酒帘青帶上三五聚邨家

童佩

字子鳴太末人
嘉隆時書賈

嘉禾道中

青帆一片水浮空百里關河半日風何事當年隔疆場
吳檣越艦鳥聲中

屠隆

字赤水寧波人
萬曆間官儀部

登秦駐山望海歌

高秋立馬登秦駐海風蕭蕭吹海樹極目遙天不可窮
赤縣神州在何處萬馬長驅巨浪來千鳧力挾浮雲去
盤陀石上坐微茫令我魂氣四飛揚閃閃金波騰若木

高高赤日挂扶桑諸峰遠近青螺矗大者如拳小如粟
雷電砰錡戲白龍風雲慘淡愁黃鵠方丈蓬萊近可降
烟濤彷彿見雲牕瑤艸琪花相蔭翳斑麟文豹何紛龐
紅顏玉女褰珠箔綠髮金童擁繡幢仰天把酒三嘆息
安得此身生羽翼謁罷東皇大帝君石邊寶瑟花間奕
龍旂翠蓋照潺湲聞道秦皇駐此山苦無靈氣通仙籍
空有雄心出大寰三山福地尋難見千古沙丘去不還
海神之鞭亦杳滅黿鼉之梁猶截臬月色冥濛龍女珠
露華淒冷湘妃襪山上荒祠被冕旒老僧香火幾春秋
古今英爽真潮汐酒罷歌殘海水流

真如寺

考見前

山溪入蕭颯僧老見醇龐日月銷金碧松蘿偃綉幢乳
泉寒汲井宿霧白浮牕一自脩禪觀雄心日轉降

湖上烟雨樓

朱欄遠近萬家連下眺通衢上接天傍郭酒船邀落日
滿湖漁火亂疎烟僧叅水觀堪成佛客借樓居即是仙
坐到夜分人籟息寒沙孤月大颿前

使君邀飲真如

使君燕客大湖東行盡溪橋入梵宮野騎駸駸經樹裡
亂鴉漠漠向烟中殿含霜氣金幢冷香散經聲寶界空
錦帶不嫌居士服忘形真見上皇風

龔勉

字毅所無錫人
萬曆間郡守

重脩三過堂次原韵三首

蘓公遺跡覺林中歲久荒涼戲牧童三過題詩渾是夢
千年覓勝總成空山僧已入忘言境詞客還多琢句功
景仰高風難再挹遙瞻明月起林東

古寺幽藏郭外邨蕭條蘿薜滿山門世無坡老還誰過
坐有文公可再論弔古共看碑上句感時且倒月中尊
坐來不覺諸天暝忽聽疎鐘動梵言

學古原非塵世侶高踪未許俗人尋虛堂烏雀爭來往
野寺松筠自古今一榻白雲新廟貌半窗明月舊禪心
我來聊致蘋蘩意此日瞻依思獨深

長水法師墓

文杏過叅天下有長水墓長水日夜流真詮誰了悟

附考墓在真如寺中

管橘字彥懷南陵人萬曆間嘉興令

東郭草亭為沈大夫賦

幽偏角里足逍遙小憇茅廬勝折腰十畝瓜田春樹合
一灣萍水暮烟消亭如綠野堪供賦地似桃源可避囂
不獨於今成吏隱也令千古讓風標

南垓艸堂

已上二詩考見本傳

衡棲虛寂似崆峒野老相傳舊闕宮曲逕春淡麻苧雨
小亭秋滿芰荷風吳岡越嶠微茫外沙鷺汀鷗隱見中
須信世途無坦地只宜長日醉芳叢

劉應鈞

安福人萬曆間郡守

烟雨樓次屠赤水韻

高閣晴空飛落霞閒隨鷗鷺問蒹葭水光清淺塵緣淨
樹色參差野眺賒江上歌絃延客棹林間砧杵動誰家
磯頭凝望思何極欲把金戈挂日斜

曹維藩

萬曆間郡判

春日同劉太守集烟雨樓

亭亭虛敞白雲浮贏得官閒共勝遊綠樹風迴清籟合
画欄月漫碧漪流遠山飛翠供吟席夾岬垂香引客舟
五馬風流君獨擅翩翩詞賦醉滄洲

李暢

南海人萬曆時贈知縣

鍾明府邀酌鴛央湖

高人拉我遊，渾似泛仙舟。
簫鼓風傳曲，壺觴月滿樓。
湖山青翠遍，煙雨綠荷稠。
地挹六橋暮，風迴五月秋。
低花時度蝶，近水不驚鷗。
酒醉未歸去，應知欲枕流。

沈明臣

字嘉則，鄞人。萬曆間布衣。

語兒溪

春風未過語兒溪，野雉低飛麥浪齊。
一片桑麻天氣綠，養蠶時節鷓鴣啼。

湯顯祖

字義仍，臨川人。萬曆間官祠部。

寄嘉興馬樂二丈兼懷陸五臺太宰

為郎苦遲去，官早歷落鄉。
關罷倫好，忽忽神遊京洛春。

泣向五臺原上艸，馬翁只似扶風人。
樂生當作望諸君，臥想少遊何可得。
拜築高堂曾一聞，世局風流常似此。
曾見英雄長不死，江山歲月老閒身。
風雨魚龍動君子，沙井闌頭初卜居。
穿池散花引紅魚，春風入門好楊柳。
夜月出水新芙蓉，往往催花臨節鼓。
自踏新詞教歌舞，青春索向酒人拋。
白髮撩教侍兒數，烟雨樓前烟雨迷。
鶯脰湖邊鶯脰嘯，但取風光足畱賞。
越西還勝大江西。

秀州

雨溼松陵春滿烟，杏花榆莢映新田。
不知何處唱歌好，東柵平湖日夜船。

程嘉燧

字孟陽，休寧人。

六月駕湖飲朱子暇夜歸與雲娃惜別

尋得伊人在水湄移舟同載復同移心隨湖艸閒偏亂
愁似橫波遠不知病起尚憐汝黛淺情來頗覺笑顏遲
一尊且就新知樂莫道明朝有別離

二月上浣同雲娃踏青歸雨讌達曙用佳字索同

人和之

客來蘭氣滿幽齋少住春遊興亦佳霞引穠桃寨出障
天粘碧艸度弓鞋烟花徑裊嬋娟入山水亭孤竹肉諧
醉愛雨聲籠笑語不知何事怨空堦

唐其諒

鳳陽人

芙蓉浦

獨來洲上看芙蓉掩映寒波淡復濃近擬明霞當落照
忽驚仙子露芳容簡師行脚今何在米老名書久絕踪
回首舊亭風景換荒汀衰艸憶人龍

附考浦在桐鄉縣北二十五里青墩廣福院中又曰芙蓉洲即宋陳簡齋所居有詞詠之院係宋慶曆間建後改壽聖院米芾書簡齋像贊存於院明洪武間定為廣福寺

孫孟吉

字兆禎烏鎮人

車溪

釋子當年遠世寰絕囂塵處作佗關森森祗樹環方丈
寂寂珠林抱水灣金磬不鳴清梵靜白雲自伴老僧閒
夕陽杖錫門人遠遙聽鐘聲隱約間

附考在桐鄉清風里自皂林抵青鎮南北二十里兩傍皆映田藉以岸水灌溉故名

朱純 紹興人

麟湖夜泛

寥落暮天迥蒼茫湖水平秋雲開雁道涼雨洗蟬聲坐
石忘收釣臨流愛濯纓自緣耽野趣不是為逃名

王渙 長洲人

弔梅道人墓

碑滿紫苔字來瞻試解驂文人畱戲墨武水遶新藍宿
草圍高塚梅花有舊庵吁嗟成一弔歸去坐清談

王三陽 字乾甫福建人萬曆間善令

偶憇景德寺

一官淡武水勝刹望東城衲老僧初補瀾幽寺轉清禪

心追八景宦况愧三生獨有波羅月分湖徹底明

陳冕 華亭人

武塘邑中書所見

老婦撥船翁打魚水添石脚夜來初江天有雨復不雨
客子手書仍放書燕掠水禽穿柳去農搜田莠帶根鋤
烟炊過午尚未歇林外鶉鳩時一呼

郭蒙 海寧人

泛麟湖

麟湖迢遞片帆飛夜月孤懸野燒微濁酒漫釀聊遣興
霜毛初變慨知非停橈茅屋春聲急路入寒塘漁唱稀
楚客久諳鰕菜味五侯纓冕重相違

董其昌

字玄宰華亭人
官禮部尚書

寄題蕭使君弄珠樓二首

閒將鄉思倚層霄吳楚乾坤共次寥
鸚鵡夜驚才子賦
鳳凰春怨美人簫
山連秦望三神近湖似潯陽九派消
一自明珠還海曲采風應到弄珠謠

茂宰能將吏隱兼樓開山岳散江潭
芷蘭一一分湘浦
楊柳依依自漢南
地有驪龍供照乘人如黃雀解停驂
欲知交甫遺珠事歷亂星辰逗短檐

附考在平湖縣東湖中舊名戲珠亭又名珠臺以九水環拱故也萬曆
間漢陽蕭鳴甲為湖令始建樓董其昌飛白署曰弄珠樓更題拱間曰
晴川歷歷漢陽樹芳艸萋萋
鸚鵡洲陸杲沈懋孝皆有記

李培

利津人萬曆
間秀水令

烟雨樓

風吹明月墮魚梁
讀罷殘書倚綠楊
湖上蕩花樓上月
踏歌驚起睡鴛央

蕭鳴甲

字爾先漢陽人萬曆
間為平湖令遷民部

憶弄珠樓步董太史韵

名遊俗吏異時兼
遠岫低窗應碧潭
好景自饒吳會詠
美人多在大江南
花明乍浦時開纜
草綠鸚湖幾駐驂
一別薊門秋色老
可堪河影落朱檐

陳熙昌

字杲菴南海人萬曆
間為平湖令擢吏科

題弄珠樓

蘭橈桂楫蕩新晴
湖上花深似鏡平
九曲烟波來海嶼

半空樓閣望蓬瀛吟成鸚鵡潮初長探罷驪龍月正明
欲識瑯琊遺蔭處十圍楊柳拂金城

陳子壯

字秋濤熙昌
子官尚書

題弄珠樓

雀駕飛來仍舊嶼琴聲放出是新波去年芳草王孫地
一曲滄浪孺子歌天渺瓊樓飛夢少夜深龍女抱珠多
盈盈欲問三江水盡浣緇塵製綠荷

章士雅

字循之吳縣人萬曆
間為嘉善令歷郎中

幽瀾泉

幽瀾千載寺落葉舊山門一自芳踪去惟餘古甃存片
雲浮幻影孤月洗塵根坐對空人境何須花露繁

秋日同張景銘使君登武塘城樓

蒼蒼平野淡秋容百雉何年海上封一水白雲連樵李
片帆寒雨入吳淞高低禾黍邨流合遠近樓臺落照重
喜有使君持節至笑談今古靜烟烽

水月禪院

滉漾湖光遠接天坐來水月境疑仙一灘蘆荻寒相映
半壁松蘿靜可憐孤磬自懸開士榻浮雲不繫使君船
兩山遙望青如黛愁入鄉關倍惘然

劉公臺

百里塘開伍子雄崇岡北峙佐神功星樓俯瞰搖銀海
水殿高騫落彩虹夾岬鶯花千堞遶連江風雨百川通

松雲翠擁低秦柱瓠粉香飄逼漢宮
估客挂殘青舫月
仙人吹斷紫簫風紅顏十斗情逾劇
白眼千秋調夏同
塵世浮遊身老大乾坤涕淚路西東
亭臯桺綠年年色
煙樹蘓臺一望中

附考臺在嘉善北城外半里嘉靖間郡守劉愨築

黃輝 字平倩南充人官少詹

送章循之赴嘉善

東行翻出國門西雪路南枝望不迷
仙吏故鄉長水近
美人別恨遠山齊乍便越舫移萱背
不隔吳歌過韭谿
家世風流誰得似向來看劔氣成霓

鍾順

字必華南海人官知州

嘉善沈氏梅雪樓聞笛

小樓人靜月初斜歸思迢迢隔海涯
短笛誰吹腸斷曲
滿庭香雪落梅花

陳繼儒

字眉公華亭人

南湖

水月淡無際秋風清可憐是誰能領略
罷釣老漁船

葛一龍

字震甫蘓州人官理問

煙雨樓

煙雨樓頭春乍晴鴛央湖上鳥嚶嚶
中浮片席空三面
斜抱千家截半城漁網曬來風桺變
酒船搖出浪花生
夕陽慣照憑欄妓一抹遠山紅袖明

廖孔說 字傅生應天人諸生

石門酒薄客愁寬誰念霜溪曉被寒偶見鄰舟說紅葉

五夏疎雨夢長干

黃某 逸其名天台庠生

木石冬日遊陳山

乘興憑高日未曛蒼苔屐齒自紛紛林淡出澗有流水

雪霽滿山多白雲一榻琴聲憑宦聽半牀松影與僧分

慚余未脫塵凡跡欲寄鄉心到雁群

俞安期 字羨長宜興人萬曆間山人

登秦駐

地盡危峰遠望開驚波直見海門迴翠華駐輦空秦蹕

彩筆觀濤有漢才紛動梵音雷下震長驅山勢雪東來

探竒不盡登臨興無奈狂心托酒杯

樊維城 字允宗黃岡人萬曆間海鹽令

鷹窠山

秀嶺周遭疊翠屏臨崖喬木幾千齡痴龍午避翻盆雨

恠蜴朝為破柱霆僧止林中曾九白鳥飛海外憶三青

滄洲小吏羈心亂又逐行春出野坳

過秦駐

秦駐峰頭問祖龍神山縹緲若為從穿厓酷似桃源宅

到海誰為空谷蹤暑過漸無蟬噪柳秋成欲獻烏銜種

樵李詩集
碁翁散後畱崖屋似覺梯仙有附庸

橫塘

馳驅環澤國鎮日坐洪流画艇安如舍清江狹似溝官
程無樂事物態變虛游慣識風波險休藏夜壑舟

旭日觀潮

陽侯出遊旗沛艾素車白馬來天外羲和朝行浴兩駮
金繩界道光如繪車輪驟雨倒山來樓閣重雲匝日會
砰雷轉石窟赤蛇驚起眠龍走狼狽汪洋萬頃莫可量
倏忽似神千里汰魚蝦奔迸不能隨鮮食艱民資口膾
餘波飛雪入平原都君吾子咸蒙賴坐見堪輿青復明
何如宇宙屯還泰湏臾赫日正中天遙看蜃氣浮山帶

古涇

古涇通幽際桑條拂水湄雞鳴聞里社婦饁祝田祠撫
字慚無術催科復有期常來肥掾坐馴雉愧芳規

附考海鹽有古涇三百一所在縣
西境唐令李諤開以禦水旱

楊撫

三塔

漠漠江邨暮停舟數落霞花飄金雀亂橋鎖玉龍斜僧
梵迷三塔神遊逼九華琴書攜共遠幽興老還賒

蔣愷

松江人
官工部

鉞山

百尺浮圖勢如削傑頂更與雲相薄秋高木落凝望眼

許大乾坤費鐫鑿倚欄漸覺雲漢低午夜茫茫如可梯
喚回霍夢曉光發何處一聲來碧雞

附考山在嘉善善治南半里宋置酒務積罌所成上有玉皇閣文昌殿銀杏一榦二枝最大

霍湖

何物昂藏相儵然見此湖橫江掠蘇軾小艇縱林逋華
表終疑化朱門未許呼安流任來往聊以慰畸孤

附考在嘉善縣西北三十里多葦菜舊以產霍得名

盛子昭墓

墨跡相傳取次看滿堂風雨不勝寒那堪荒塚徘徊處
踏破白雲紅日殘

附考盛懋字子昭元季魏塘鎮人山水人物花鳥俱臻妙境學陳仲美而略變其法墓在嘉善城外東北里許其姪著字叔彰亦善畫明

初供事內府高帝異之著盛叔彰全畫記後畫天界寺影壁以水母乘龍皆不稱旨棄市

陳賢良墓

先生天下士荒塚水邊村髡奴識寶氣神劍辭泉闔千
載有遺恨一抔空斷魂青苗曾抗疏高義動乾坤

黃景昉 字太釋 晉江人

贈陸嗣端年丈時以水部郎小謫

經年監廠獨賢勞玉勒珠弓金錯刀如汝火繩猶見謫
是誰錦瑟更能操薊門戈甲連遵永麟閣丹青想鄂褒
仍送封書畱御榻主恩終念漢功曹

朱應祥 華亭人

麟溪道中

一川流水半邨花舊屋南鄰是釣家長記歸篷載春釀
雲籠殘照雨鳴沙

弔梅道人墓

梅老清風不可招橡林寒雨日蕭蕭武塘一曲烟霏外
山寺鐘聲落暮潮

澹滄涇

湖上微風蕩水開鳥聲飛過釣魚臺暖雲欲作桃花雨
一片輕陰桺外來

附考涇在嘉善

斜塘

漫漫邨塘水沒沙清明初過已無花春寒欲雨歸心急

懶駐扁舟問酒家

過白魚蕩

風細湖平酒力微坐深涼沁薄羅衣棹聲忽度蘆花渚
應有漁翁罷釣歸

附考在嘉善縣北三十里西接藏兵蕩南受沉香蕩入青浦界

樊志張

黃岡人

觀海篇

大地川源來井絡勢逆銀潢下寥廓江湖東注海西迴
取途吳越歸甌駱高下幾窮章亥步圖經莫考玄圭鑿
乘桴溟滓孰從游萬回信宿曾行脚易性迷方總未知
癡龍每遇張華博鹽池應在海東南漢廣江深先向若

阿戎父事真名世賦陋位虛兼述作緩也呻吟亦復來
欲沾重潤觀磅礴鵠飛皂蓋馬魚遊海塘弦月爭鄞郭
鞭石爲梁霜氣餘犀弩三千誰見曠陽戾不敢夾舟行
子胥篲馬吞冤惡攝影交光吹帝網千門萬戶開珠箔
銀闕參差頽不流銖衣拂石逡巡却宦書欲度海天遲
龍蛇競走聞澆爵縱令乳海涌多羅大化密移無冶躍
徒聞潮盛在秋分夜半捲天風雷薄夏傳斗指姬訾晦
平明日月同浮泊如此竒觀不可畱蠡測冰疑堪一噓
炎荒莫是海西頭廿年投瘴才如昨父子相持泣楚囚
楚客附載方談矍鯨翅障天鰲背滑倉皇直到星河落
上峽迎兄又幾時灑灑當關秋雨虐天際孤舟本不通

抱書病骨猶咨度千里江陵破冢還丹成遽返遼城窄
鹽官小吏亦承志訟親北闕還章爵歷險瀕危匪一途
師友功多扶履錯繫足無貽并甃羞勉旃小子勤丹腹
海不揚波明辟新世清欲寃餘年樂坐中達者發溪論
海東萬鷺猶巢幕天刑在魯縱鯨鯢岷源幾許潮陽鱷
失火沙泥計日殲乘風破浪能無愕蹈海生應愧魯連
過河歿欲呼宗澤掩耳風濤不可聞胡越同舟爭一壑
越西叢爾彈丸區萬井遺黎亦煩厝樂不可極繼以哀
石塘月沒潮還涸驚魂雖定竟無窠前席屢移君自託
浮遼隱蜀兩茫然一舸鷓夷原宛橐海濱漁父定誰知
偃月容尋題許碣

潘暘升

原名港烏程人
啟禎時比部郎

鴛湖七首

花發名園酒滿卮錦鸞爭逐是春時
小庭碧影鋪清晝
畱得香雲出院遲

細細香生賸可攜碧窗垂露影參差
相思鎮日憑誰見

和雨和烟傍一枝

上二首隱
所見姓氏

秋滿晴空月正圓隔湖聽唱小遊仙
不因蘋際微風起
那得清音到画船

平波激灩羨雙鷗
艸借晴光綠滿洲
花事欲殘人未到
一時憑遍画山樓

望望蒹葭擁去艘
愁分寒影渡楓江
無端想起芙蓉袂

繡出鴛鴦七十雙

種成修竹待棲鸞
三五東生月影團
重到歌樓看寂寂

靡蕪淡映碧窗寒

五色雲開寶鏡升
繁華舊日轉難憑
桃花慣逐春流水
何事漁郎認武陵

劉繩之

字永思
慈溪人

居画閣次秋潭韻

卜築微分小徑陰
山花落果駭飛禽
曾聞野雀如人瘦
自覺冥鴻得趣深
一簇烟雲供遠眺
數聲雞犬隔疎林
此地由來可乘興
何時拋卷足幽尋

附考閣在
洲草堂之東

胡應麟

字元瑞蘭溪人孝廉

登烟雨樓寄沈純父

夾岬春波漾綠蘋
千家曙色照垂綸
獨為烟雨樓中客
遙憶昆明殿裡臣
九塞兵車閒仗鉞
五陵冠蓋避埋輪
應知屠狗風塵下
大有華陽擊筑人

陳鶴

會稽人

發武塘

吳天日暮海雲低
白水孤帆思欲迷
惟有愁心似明月
今宵先度武塘西

瓶山

平山高閣帶疎星
醉倚琵琶倒玉瓶
落日未迴青雀舫

行雲先渡白牛涇

張岐

興濟人官憲司

資聖寺重光井

石井荒涼古寺邊
偶因鑿翠得甘泉
斷碑剝落埋衰艸
猶記將軍捨宅年

陳埧

江陰人

弔梅道人墓

見說梅花舊有庵
清風遺落滿江南
茶烟散雨經春幾
橡樹連雲合抱三
玉骨已隨和尚化
玄關不放俗人參
我來欲為彈流水
今古同心照此潭

周相

吳江人

汾湖舟次懷友

仙槎微放汾湖曲
新洗匏尊避俗喧
梁月幾迴驚倒屣
秋風何處逐行軒
臨溪倚杖隨流水
落日懷人檢贈言
漫興肯虛真率會
不妨促膝慰寒暄

張弢至

華亭人官給事中

瓶山

瓶山山房小有山
陽溪流水送聲潺
傾瓶不盡相留意
離思滿天風色寒

李恕

過張文穆公墓

嗟峨荒土亂堆雲
傳是前朝學士墳
泉石清標存別業

風流豪思見遺文
竹雞帶雨啼春草
石獸和烟臥夕曛
縱有枇杷生滿樹
何人載酒弔吟魂

附考墓在崇德治西北七里

陳子龍

字臥子青浦人官兵科給事

高寓公書來詢予近况
余適從石齋先生築講壇
於大滌山畱連竟日
遂書此報之

三山迷漢使夏起白雲
壇環珮天風滿旌旗
海日殘草侵羣帝靜
月度九霄寒惆悵乘鸞者
焚香獨夜闌

陸應陽

華亭人

題水月閣

舞堤搖曳木蘭舟
月色歌聲半入樓
我亦有情消不盡

一瓢春酒爲君留

附考在嘉興南湖烟雨樓側

周昇

走馬岡

數里長岡似掌平將軍戰騎昔曾經至今原上青青艸
猶帶英雄汗血腥

附考在桐鄉相傳吳王宿兵於此

沈艾

登史山考見前

及山東畔小芙蓉秀拔諸峰數萬重安得身閒陪老衲
看雲終日倚孤筇

趙宦光

字凡夫蘇州人

題霍洲圖二首

一片亭前雪何如萬壑雲開籠須遠適寧復溷雞群
別墅背山開門臨綠水來夜淡邨犬吠小艇賣樵回

附考霍洲在嘉興縣南三里唐裴休放霍處今爲朱太守子葵園林

汪明際

字無際吳縣人

都門閱霍洲圖題贈

九臯方喚徹邀響在圓沙松際影新出月光疑舊斜平
居煩接翮石室可棲霞遠意同閒賞何勞問歲華

沈友儒

海寧人官員外

及仙石

不須問道向崆峒
煮汞丹成似葛翁
一旦紅顏生羽翮
千年華表語遼東
荒臺此日迷蒼蘚
蛻骨何時瘞碧叢
安得餐餘吞一粒
會能乘雀上遙空

無名氏

鳥夜邨

荒邨鳥夜栖
忽遶月明啼
生得東家女
身為萬乘妻
至今種高樹
不遣鳥飛去
居人凡幾家
夢聽啼啞啞
啞忽驚恠婦
開門向鳥拜

附考村在海鹽縣南三里晉何準寓居一夕羣鳥啼噪乃生女後選入宮今有何后塚

釋德祥

字止庵錢塘人洪武時僧

周元初禱雨詩

蘇臺羽仙食玉霞
雀年松骨輕如花
晝騎金背之神驀
奉持綠章扣天家
請陳旱魃為妖邪
煖焚原隰疑燒畬
艸葉焦卷鑠石沙
大田秋稼縮不芽
忽聞赤子聲嗟嗟
帝呼將吏乘黑騮
馭逐雷雨鞭雷車
絃雲着地手可拏
雨脚不斷紛如麻
來蘇百物活魚蝦
博哉陰功上相嘉
濟濟多士稱樂巴
羽仙不以名為夸
飄然鳧鳥辭京華
冶城仙子邀相遮
拍肩挹袂爭喧譁
憶著安期棗似瓜
招呼不上松風槎

釋觀白

周元初詩

仙姿寒湛玉壺冰
斬叱群魔走百靈
萬里風雲生赤日

九天雷電下青冥
瑤壇霍啖秋如水
蕙帳人幽月滿庭
安得相從過衡岳
飛行同躡鳳凰翎

席應珍

字心齋海虞人
洪武中道士

來霍詩

瑤壇法黎土簫臺聳峇堯
縹緲白玉京空歌協雲韶
靈駕御八景多士嚴趨朝
琅風颺清微天花雨層霄
皎皎群胎仙嘯歌雜雲璈
前參紫霞蓋後遶青霓旄
覽茲孝子誠赴此仙人招
阿母鍊魂仙高超謝塵囂
控駕不待轡飛飛凌次瀟
置身王母宮坐看石劫消

贈周元初

春晴少屨黃泥坂
楊柳陰陰水拍城
童子候人如霍瘦

羽仙飛鳥似鳧輕
碧桃花繞巢雲屋
綠酒香浮貯月罌
醉裡却嫌天下窄
倚闌吹笛到天明

釋洪恩

宿天寧寺

基陞稽前代浮圖想舊標
風鈴天外語法鼓海門潮
衣鉢猶傳奉津梁未寂寥
假令吾道在斯地豈蕭條

附考寺在海鹽城西三里舊名禪悅院宋
宣和二年為天寧永祚禪寺內有海月樓

釋普莊

臥雲軒為嘉禾大機禪師作

臥雲軒中人塵事不能到
心與雲俱閒看雲聊寄傲
雲之從龍自可期達人應世
當有時乃知舒卷本無跡六

合茫茫隨所適殷勤為告臥雲人雲中有路須致身大地蒼生望霖雨胡為久臥南湖濱

釋圓信

字雪嶠寧波人

早秋過朱子葵太守霍洲草堂對雨分韻得飛字
方花礎潤晚涼歸隔浦蓮舟望漸稀林下自聞秋葉雨
燈前亦有艸蟲飛巡檐半濕黃藤杖倚檻重添白苧衣
明發霅溪新水下前邨應沒舊魚磯

徐小淑

吳縣人范允臨妻有絡緯集

烟雨樓

麥隴春殘曲逗幽長堤疎柳繫扁舟香鈎玉鯉芳洲月
岫隔花烟在一樓

范壺貞

字蓉棠吳縣人嫁吳氏

煙雨樓圖

烟嵐無限雨中情遠近樓臺一望平吳苑艸荒麋鹿走
越江春盡鷓鴣鳴長隄柳樹迷春渚白水菰芡繞郡城
最是晚來新月下萬家燈火隔湖明

吳山

字巖子當塗閨秀適卞琳

禾水道中

春早猶寒艸未齊落梅邨墅鶉鳩啼虎林烟月勞清夢
秀水雲山入品題竹岸人家門巷靜桑園風景夕陽低
小橋漁艇閒來往何處花源更有溪

湯淑英

字晚素蘇州吳嘯雲配

烟雨樓

樓空面面綠波平
向晚輕舸試一停
隔岸烟生天際月
敗蘆漁火幾星星

沈南疑先生攜李詩繫第四十卷終

沈南疑先生攜李詩繫第四十一卷目次

題詠

平湖 金南鍊 夏聲 校閱

國朝

錢謙益七首

吳偉業十一首

龔鼎孳二首

張若羲三首

徐士俊一首

熊輿一首

姜埰一首

李雯一首

方拱乾一首

孔尚萃一首

陳台孫一首

王士祿三首

陸圻一首

屈大均七首

陸嘉淑一首

程可則二首

查容五首

吳綺二首

沈謙二首

魏璧一首

陶汝鼎一首

方殿元一首

葉紹衡一首

沈荃三首

周亮工一首

萬斯備一首

宋存標一首

孫自式一首

葉襄三首

張琴一首

陳玉璣一首

沈道映一首

何五雲一首

余懷二首

趙進美一首

趙端一首

文德翼一首

魏禮一首

王又旦二首

徐喈鳳一首

季振宜一首

顧贄一首

張養重一首

錢霍一首

葉紹表一首

薛案一首

汪琬一首

董含七首

陳維崧二首

林鼎復一首

高兆一首

胡山一首

姜圖南一首

徐崧一首

趙炎一首

梁佩蘭四首

陳三島一首

李因篤三首

楊雍建一首

周茂源一首

曾燦一首

汪懋麟一首

楊无咎一首

殷丽一首

徐緘一首

黄雲一首

吳耕一首

周積賢一首

沈琰一首

杜濬三首

沈珩一首

趙吉士一首

周斯盛三首

吳雯五首

李漾一首

張守四首

黃與堅一首

錢光繡一首

楊樹聲一首

董俞三首

朱克生一首

王爾梅一首

程瑞禴一首

姜梗二首

錢澄一首

姜遴二首

釋弘儲一首

釋曉青一首

釋南潜二首

釋觀衡一首

釋行明一首

釋元志二首

釋宗渭一首

朱中楣一首

王芳與一首

朱柔則二首

伎文娥二首

沈南疑先生樵李詩繫第四十一卷目次終

沈南疑先生樵李詩繫第四十一卷

平湖 金南鏌 夏聲

校閱

國朝

錢謙益

字牧齋常熟人順治初官宗伯著初學有學集

題吳巨手卮齋

詳本傳

嘉禾城頭陣雲黑宣公橋上飛霹靂南湖春水漲綠波
骨拒骸枝血流赤人民城郭總萋迷華觀瓊臺長蒺藜
幾家高戶無蛛網是處空梁少燕泥吳生卮齋只尋丈
卮字闌干獨無恙取次縹囊結古香依然墨沼翻雲浪
人言兵燹旁午時簾閣欄楯光陸離即看雲物常虧蔽
或有天龍好護持我聞如來妙心海吉祥卮字雲鬢鬢

光放常使地獄空閱世何憂市朝改若觀胸中已字無
摩醯三眼認天樞天上應無逃劫地人間那有辟兵符

和墨香秋興卷二首

有小序

成化中嘉興姚侍御公綬為許進士廷美題墨菊卷
周桐邨鼎沈石田周張給事寧皆有詩屬和呂太常
憲二律尤佳太常諸孫天遺從市人購得寄字索題
敬次諸公韻二首以識仰止追盛世懷君子采苓風

雨良有感話云爾

白石桐邨舊作家叢殘香墨似飛花流連文酒夙心在
想像承平劫夢賒南國詞人矜麗藻東城父老說繁華
百年天地畱詩卷極目雲烟過晚鴉

綈几奚囊賞鑒家橫窓卷軸對黃花即看殘夢爭言好
自說千金未許賒先友和成同石表秋容籬落異年華
奉常佳句君能詠一看南山色似鴉

嘉禾訪梅溪大山禪人四首

虎落橫斜瓜豲籜望窮竹逕始知源只因亭午齋鐘出
錯認陶家栗里邨

一坐依然小劫成蓮花漏裏六時夏石林盡日看花雨
才到人間是甲兵
殘生何意款禪扉白犬青猿昔夢違鄒魯冠裳凋落盡
此中還有七條衣

青青竹色覆窓楞相對閒看紙穴蠅莫怪機鋒都未接

老夫原是啞羊僧

吳偉業

字駿公太倉人順治初官祭酒有梅邨集

鴛湖曲

鴛央湖畔艸粘天二月春淡好放船柳葉亂飄千尺雨
桃花斜帶一溪烟烟雨迷離不知處舊堤却認門前樹
樹上流鶯三兩聲十年此地扁舟住主人愛客錦筵開
水閣風吹笑語來画鼓隊催桃葉伎玉簫聲出柘枝臺
輕靴窄袖嬌粧束脆管絳絃競追逐雲鬢子弟按霓裳
雪面參軍舞鸚鵡酒盡移船曲榭西滿湖燈火醉人歸
朝來別奏新翻曲更出紅粧向柵堤歡樂朝朝兼暮暮
七貴三公僧足數十幅蒲帆幾尺風吹君直上長安路

長安富貴玉驄嬌侍女薰香護早朝分付南湖舊花柳
好畱烟月伴鱸橈那知轉眼浮生夢蕭蕭日影悲風動
中散彈琴竟未終山公啓事成何用東市朝衣一旦休
北邙坏土亦難畱白楊尚作他人樹紅粉知非舊日樓
烽火名園竄狐兔画閣偷窺老兵怒寧使當時沒縣官
不堪朝市都非故我來倚櫂向湖邊煙雨臺空倍惘然
芳艸乍疑歌扇綠落英錯認舞衣鮮人生苦樂皆陳迹
年去年來堪痛惜聞笛休嗟石季倫銜杯且效陶彭澤
君不見白浪掀天一葉危收竿還怕轉船遲世人無限
風波苦輸與江湖釣叟知

項黃中家觀萬歲通天法帖

王氏勲名自始興後人書法擅精能江東將相傳家在
翰墨風流天下稱前有瑯琊後攜李項氏由來堪並美
襄毅旂常戰伐高墨林書畫聲名起當時海內號收藏
秘閣圖書玉軸裝近代丹青稱董巨名家毫素重鍾王
鍾王妙蹟流傳舊貞觀在御窮搜購盡隨萬乘入昭陵
人間一字無遺漏碑石猶存腕鋒出風摧雨剥苔文脫
棗木鐫來波磔非牋麻搨就戈鋌失君家此書何處傳
云是萬歲通天年則天酷嗜二王法詔求手迹千金縣
從官方慶拜表進臣祖羲獻與僧虔生平行草數十紙
龍蛇盤蹙開天顏賜官五階帛百疋仍勅能手雙鈎填
裝成用寶進御府不知何事流人間我思羲之負遠略

北伐遺書料強弱惜哉徒令書畫傳誓墓功名氣蕭索
江東無事富山水興來灑筆臨池樂足知文采賴昇平
父子優游擅家學只今海內無高門稽山越水烽煙作
春風挂席由拳城夜雨君齋話疇昨嗚呼我友雅州公
舒毫落紙前人同一官烏撒沒坏土萬卷青箱付朔風
少伯湖頭鼙鼓動尚書第內烟塵空可憐累代圖書盡
斷楮殘編墨林印此卷仍逃劫火中老眼縱橫看筆陣
君真襄毅之子孫相逢意氣何相親即看書畫與金石
訪求不屑辭家貧嗟乎世間竒物戀故主留取縹緗傲
絕倫

金明寺謁范少伯祠

艤擢滄江學釣魚五湖何必計然書山川禹穴思文種
烽火蘓臺弔伍胥浪擲紅顏終是恨拜辭烏喙待何如
却嗟愛子猶難免霸越平吳事總虛

附考寺在郡城內西南相傳爲范蠡宅有碑刻朱公里宋時有異僧壽萬王療史彌遠疾以建寺請內有湖天海月閣下祠范蠡

鴛湖感舊

予曾過吳來之竹亭湖墅出家樂張飲後來之以事
見法重遊感賦此詩

落日晴湖放楫迴故人曾此共登臺風流頓盡溪山改
富貴何常簫管哀燕去妓堂荒蔓合雨侵鈴閣野棠開
停撓却望烟淡處記得當年載酒來

題鴛湖閨咏四首

石州螺黛點新粧小拂烏絲字幾行粉本畱香泥蛺蝶
錦囊添線繡鴛鴦秋風擣素描長卷春日鳴箏製短章
江夏只今標藝苑無雙才子掃眉娘

休言金屋貯神仙獨掩羅裙淚泫然粟里縱無歸隱計
鹿門猶有賣文錢女兒浦口堪同住新婦磯頭擬種田
夫壻長楊須執戟不知世有杜樊川

絳雲樓閣敞空虛女伴相依共索居學士每傳青鳥使
蕭娘同出紫鸞車新詞折柳還應就舊事焚魚總不如
記向馬融譚漢史江南淪落老尚書

誰吟紈扇繼詞壇白下相逢吳綵鸞才比左芬年夏少
壻求韓重遇應難玉顏屢見鶯花度翠袖須愁烟雨寒

往事只看子薄命致書知已到長干

壬辰上巳蔣亭彥篆鴻陸我謀於鴛湖禊飲余後

三日始至同集有道開師朱子蓉沈孟陽徵詩

以補禊事余分得知字

春風好景定昆池散誕天涯却誤期
溱洧漫牽芳杜晚
雒濱須泛羽觴遲
右軍此會仍堪記
白傅重游共阿誰
故事禊堂看賜柳
年來無復侍臣知

過朱買臣墓

翁子窮經自不貧
會稽連守拜為真
是非難免三長史
富貴徒誇一婦人
小吏張湯看踞傲
故交莊助嘆沉淪
行年五十功名晚
何似空山長負薪

題鶴洲

別業堂成綠野邊
養維丹頂已千年
仙人收箭雲歸浦
道士開籠月滿天
竹下縞衣三徑石
雪中清唳五湖田
裴公舊宅松陰在
不數孤山夜放船

龔鼎孳

字芝麓合肥人官
宗伯有定山集

鴛水夜泊楊扶曦枉送招同諸子小集用少陵湖

城韻

布帆一宵隔鄉縣
江口送客客重見
是時軍舸正匝地
雪壓江岸風吹面
楊郎同舍與我好
柳老方罷軍中宴
鄧子徐子偕入座
買魚沽酒夜行饌
男兒可憐道塗老
君家已懶佞黃戰
未愁海雨暗征輶
實慶春衣迴搗練

身世艱難非五嶺詞名赫奕曾三殿看髮人驚霜入鏡
臨岐話祝壺添箭歸到金閨更高會梅花使節飛香霰
語溪夜泊用秋岳舊韻

急漿衝水野埃天亂峰雲壓舵樓前夏闌淚暗窮交酒
地僻江寒戰士船樵李自增傾國恨夫椒應著復讎年
燈花岬艸紛愁思故壘興亡總逝川

張若羲

字吳東
華亭人

丙午夏日題霍洲草堂二首

大地盡榛莽南湖有霍洲鴛央兩岸沒烟雨一帆收翠
篠含青靄高柯隱素秋華亭何處喚撩起五夏愁
坐此堪累日何處夏溪山隔澗人相問輕舟霍與還風

翻花自穩魚戲水常閒安得忘機者相攜共閉關

鴛湖夜泛

曾記舊煙雨今疑小輞川漁燈見還沒螢火斷猶連歷
歷星邊樹遙遙水上天何緣同少伯爲櫂五湖船

徐士俊

字野君
杭州人

烟雨樓

雲葉四垂皆是雨浪花初起盡爲烟城頭鼓響月欲出
下有美人纜放船

熊輿

字伯舉
商城人

雨集鴛湖分韻

乘風聊息五湖濱解帶論交醉後真斜日遠啣城堞暮

江花低照野航新客中短劍誰為主雨罷青山故近人
還把漁竿向何所此中鷗鷺繫相親

姜埰

字巨卿萊陽人官給事法名智潛號壹志

自楓橋至嘉善舟中雜詩

天子念堯封將軍重保庸荒煙浮地遠戍壘望雲重羽
箭連青海銅牙障黑龍傳聞帷殿出惟傍翠華容

李雯

字舒章華亭人官中書

鴛湖曲

鴛湖碧水寒如玉畫閣明簾向城曲城頭萬堞波底明
城下千門漾空綠花漿輕撓相鬪飛川光杳蕩搖霏微
天雞雲中張錦翼芙蓉露下披紅衣此中雲物亦無數

朱門築斷凌波路豈聞金管隨清風時見荒臺滿涼霧
季冬霜野無飛葉蘆根雁翅相切切此鄉遊女不浣紗
玉梭手凍冰絲絕明年二月桑如麻湖上女兒顏勝花
十三攜出青絲籠影落湖中生彩霞

方拱乾

字肅之桐城人

攜李感舊

甲申來攜李乾坤方多虞傷弓投穩枝羣指鴛央湖湖
上借書屋俯手拾芡蒲湖下繫畫船夜酒朝可漁朋知
多餽遺米白盈酒壺是年春大雪梅花歷屠蘇野麋躄
集聚含哺謀妻孥闇識昧先幾遂欲長安居誓賣桐城
田并棄白門廬轉盼大地搖遁迹海西隅眼望烟氛紅

腥風徹太虛回船泊舊岬華屋成荒墟戊子再經過人
民漸耕鋤今來景物壯城闔耀臺輿煌煌角里街高甍
百貨都向無片瓦存今如崇禎初真如浮屠寺劫火延
浮屠寺僧指檀那木石謀夏圖興廢廢復興轉換付湏
臾一身歷治亂得天賴頑愚三宿戀桑下况乃歲月餘
少履觸故新中腸鬱難舒復此悟身世漚沫同乘除當
年披破衲入市兒童呼至今平橋畔依稀識老夫

孔尚萃

字仁初
句容人

嘉興道中戒嚴鄰舟皆結伴野泊

茗雪邨邨水流來有落花好峰行恐盡芳艸思無涯棋
局雲容變機絲雁陣斜鄰舟星月下野泊即爲家

陳台孫

字階六山陽
人有蜃舫集

辛卯孟夏朔日同人社集霍洲艸堂分韻

天涯踪跡半漁樵對酒當歌客思遙杜宇啼殘春去樹
黃鸝喚過澗邊橋章臺柳在誰應折巫嶺雲橫未可招
賴有鴟絃生激楚魚龍夜沸海門潮

王士祿

字西樵新城人官吏部
員外有司勳五種集

禾中

江城還構李望古一踟躕老寺裴休宅春沙范蠡湖遠
烟明渚鳥斜日冷檣烏太息東流水年年浸綠蕪

晚過東塔寺二十韻

蘭若蕭梁古風流想六朝化城圍綠水孤塔上青霄珠

閣浮林影金園絕市囂依幡看刹近綠響趁鐘遙樹偃
時遮礪途紆屢過橋到門苔滑滑入寺竹條條古碣何
年失塵襟此際消皴痕迴側柏暮色隱甘蕉長史遺墳
在寺有朱買臣墓諸天法界標跨波通石徑對砌敞松寮居士才
還辯頭陀偈定超禪燈龍象黯佛日鼓魚銷洗鉢誠微
尚長齋况久要劫波巾擬解屈胸服思邀便好從初地
相依結一瓢滄洲仍有役白社欲無聊怖鴿棲將穩檣
烏待尚迢前期須歲月客意嚮風飈支許應非忝宗雷
倘見招裴回未能去仙梵晚蕭蕭

石門縣

落日石門路語溪明夕波女墻纔數尺一半入藤蘿

陸圻

字麗京錢塘貢生有從同集

風雨過烏戍

昨宵泊鶯脰今此近南潯四野寒烟重三江新漲淡景
陽曾苦雨子建亦愁霖何况停橈客鄉思淚不禁

屈大均

字翁山番禺人有翁山詩外

自白下至樵李與諸子約遊山陰

最恨秦淮柳長條復短條秋風吹落葉一夜別南朝范
蠡湖邊客相將蕩画橈言尋大禹穴直渡浙江潮

胥口逢梅里諸子

一出太湖口芙蓉萬疊斜飛來天外翠散作鏡中霞之
子梅谿至相逢漁父家包山有禪客招手入寒花

裛嘉興周青士繆天自二首

燕梢船大小祇載美人心影向花中得香從鏡裡尋白

鷗分獨宿黃葉代悲吟幾夕當明月因君一鼓琴

府城西城北

鏡香亭在嘉興

往日招尋處春波與月波桃花西子里錦帶大夫湖玉

乳秋梨好霜螯凍蟹多落帆亭咫尺清夜亦相過

王乳梨產橋李

平湖逢馬培原給諫時給諫被沙門服

平湖雨過白鷗飛有客扁舟薄暮歸明月漸圓居士法

天花猶著比丘衣湘纍夢寐通瑤圃梅福封章隔紫微

去國離家余亦久相逢蕭寺浹同揮

題朱太史小長蘆園

煙水小長蘆微茫子大夫不知垂釣罷亦復著書無

送林木文還嘉興

野田黃雀及秋肥稻蟹銜霜亦不稀一櫂鏡香亭子外

白鷗驚見故人飛

嘉興黃雀特佳

陸嘉淑

字水修海寧人有辛齋遺稿

飲華及堂中贈汪周士

纔停短屐便相期樺燭空堂洗玉卮客寄詩篇新論定

人傳詞賦喜同時堦翻紅藥春應老座有青蓮醉不辭

却恠吟成疑杜甫故鄉親聽鼓鼙悲

程可則

字肩量南海人有海日堂集

送曹顧菴學士

居然天外作閒身大笑東華十丈塵既有門生能抗疏
不妨夫子獨垂綸伯牙臺上誰千古范蠡湖中又一人
祇是故交憐話別菊花時節淚沾巾

送魏子存之任成都

誰說蠶叢不易行春風三月馬蹄輕銅梁舊枕秦山險
玉壘新連楚塞平芳艸綠齊過漢口杜鵑紅盡到綿城
知君篋底多詞賦論蜀文應似長卿

查容

字韜荒
海寧人

由西塘抵楓涇二首

蘆荻風多颭雨涼漁邨歷歷似瀟湘烟波十里橫塘路
鴉背西來帶夕陽

凌風一葉趁鳧鷖小婢依然爲斷流消盡客懷何處好
水蒨花外酒家樓

春波感舊三首

已收簾幙換承塵一色窗櫺認却真爲有對門垂柳樹
綠陰曾罩艤船人

水盼蘭情不記年來應如夢去如煙青樓事往紅顏盡
老傍江湖越可憐

半簾小桁壓窗紗屋角棠梨影被遮最是一梢春未透
午陰輕罩半開花

吳綺

字園次揚州人官湖州知
府有林蕙堂及亭皋集

嘉禾

梅李詩集
森森寒波動画船南湖春雨細如烟不知脩竹彈何事
冷落鴛鴦一萬年

戲詠醉李

歌舞無端失舊恩蘓臺響屨總銷魂多情只有王戎李
猶帶東窗指甲痕

沈謙

字去矜
錢塘人

哭黃平之

平湖城上弄珠樓浩浩烟波日夜愁一自亂離成死別
不堪風月憶同遊孤城何處寒雲斷遠浦依然白雁秋
他日挂帆過角里祇應揮涕弔荒丘

寓崇德縣西寺作

秋水開祥河花城初脫駕神幢擁多寶靈暉相激射羅
衛龍宮前香藍石壁下金輪轉重漢鯨音吼清夜展拜
珠火眉雨花向身瀉或見紺鳥來如聞龍象咤斑斕摩
古鼎丹青入烟麝競說無着師譚空如啖蔗至今千餘
年女陽有精舍我思此溪水東流無春夏句踐昔憂辱
語兒構亭榭采香竟淪替臥薪苦譎詐世系有興亾山
川互雄霸至今誰在哉強弱遞烟化何如皈我師塵鞅
隨手卸天親非吳越欣戚皆遣謝

附考崇福寺在

縣西八十步

魏壁

字楚白慈溪人有
息歸堂前後集

梅里宿屠爨宅

汝髮黑如漆我頭白可憐
息息逢上巳袞袞話當年
月落吳關樹春波橋李田
明朝須解纜不放老夫眠

陶汝鼎 字燮友長沙人孝廉有崇木堂集

沈明府來視病邀飲烟雨樓

豈肯悽然對故人病餘開酌為殘春
樓從煙雨閣中見水是鴛鴦夢裡因
強醉自逢花事盡苦吟長與藥爐親
使君更話瀟湘舊不獨思家易損神

方殿元 字蒙章番禺人官刺城知縣

南湖竹枝

佳人結伴似花叢澄湖南畔采芙蓉
乍觸卽舟莫相怪木蘭橈小奈東風

葉紹衡 吳江人

輓錢烈婦

滿眼湖光一鏡收貞魂從此赴瀛洲
唯憑彤管垂青史始信黃泉勝白頭

附考嘉善葉舒芭妻錢氏乙酉三月十六日遇兵赴水歿僕婦張亦從死

沈荃 字緝堂華亭人充齋集南帆錄

壬子長至日過嘉禾適古燈和尚駐錫龍淵以詩見示依韻酬之

葭管陽回客裡過幽懷常自遶煙蘿
擬從初地窺金相未許雙林繫玉珂
塔影曉浮寒樹迥鐘聲晚逐野雲多
與君漫話無生諦十載風塵悵逝波

題惜別圖二首 有序

丹霞惜別圖為家季融谷汝江歸越而作也融谷與
孝山陸使君為內兄弟澹歸大師則方外交也道風
秀世迥出塵表所謂名可聞而人不可見者爰題短
句以識皈依

結束翩翩入帝鄉河梁分手怨清商碧雲日暮休公句
幾載思君庾嶺長

鶯聲千里伴征鞍悵別仍歌行路難記取金門揮淚處
他年并作畫圖看

周亮工

字櫟園祥符人官參議有偶遂吟怨老集

題李武曾灌園養母圖

荷鉏忘旦暮得慰北堂萱人在一方水天畱數畝園讀
書知孝養食力羨農尊閉戶高吟外垂垂雨露恩

萬斯備

字允誠新縣人

寄巢端明山居

戎馬徧南國荆扉獨隱淪琴書娛白髮板蕩失青春世
事袁閎老生涯阮籍貧向來高蹈志寂絕更難論

宋存標

字子建松江人有翠娛閣集

登煙雨樓

去去尋幽勝溪花映晚汀飛雲隨意遠宿鳥帶烟青水
響千魚出潮寬兩岸平懷人秋思老斜月碧泠泠

孫自式

字衣月武進人有四詩集

夏日遊嘉禾褚孝廉園峰在閣

高閣白雲裡相招共怡悅開襟受涼風不覺生冰雪孤
塔當窗牖平疇接林樾時時見山僧來往踏松月竹窠
嘗晝陰花繅自夜發主人意無窮清歌時散髮

葉襄

字聖野吳縣人
有紅藥堂詩

春咏和曹秋岳

大雅誠寥廓如君復幾人九天聞雀唱萬里縱鷗馴老
健渾無敵驍騰信絕塵春風江總宅彩筆動星辰
短簿祠前路班荆憶舊交幾年依日月十載隔蓬茅世
亂哀王粲途窮老孟郊河梁餘款款冰雪共寒梢
令節春猶晚傷心改歲華青山存舊曆紅萼漫新花江

郭紛戎馬柴荆冷鹿車除將沉醉意何計是生涯

張琴

字桐仙
泰州人

夜至東塔寺

水閣分山寺臨窗遶碧溪夜淡孤艇入雪滿一橋迷鐘
響驚僧臥人來伴鳥棲開門尋舊榻煨火向招提

陳玉璣

字廣明武進人
有學文堂詩集

范蠡湖

澄湖晴望斷平蕪却憶當年范大夫亂後君臣猶在越
異時蹤跡不歸吳一春雁鷺常飛動中夜魚龍竟有無
知爾封侯原不羨嵇山回首月明孤

沈道映

字彥澈
松江人

登武水城橋望胥塘

閒攜雙屐向河橋
綠墊青塍入望遙
幾處鶯花迷古堞
一川煙雨送輕橈
英雄去後名還在
芳艸春來恨未銷
無限吳宮零落盡
空城猶上伍胥潮

何五雲

字蜀隱
合肥人

送友人之官嘉禾

水漲官河進画舟
望中烟雨一帆收
地連震澤蓴鱸美
宦入分湖稻蟹秋
應載琴尊探越絕
肯因絲繭輟吳謳
十年縞紵虛相憶
因爾將成擢雪遊

余懷

字澹心江寧人有
研山草堂詩稿

再集鶴洲

旅泊全無事
招遊及晚風
漁歌城郭外
犬吠芰荷中
萬竹寒尤綠
一楓秋始紅
到門聞剝啄
相對幾衰翁
叢菊花開候
孤桐葉落時
短牆圍夕照
小閣浸秋池
地僻聞敲磬
人閒看奕棋
洲邊聊曳杖
更與過東籬

趙進美

字韞退
益都人

嘉禾獨飲偶作

胥山遙散片霞明
舟近啼烏攜李城
病欲養生非慢世
貧能嗜酒即逃名
著書落魄游宜遠
掃地高眠意自平
月下揚舲仍繫楫
鴛鴦湖水向人清

趙端

字又呂
錢塘人

烟雨樓有感

縹緲飛樓帶夕陽南湖秋色正蒼茫煙開蘭棹鴛鴦冷
風度蓮舟菡萏香城堞無端悲遠客山川信美是他鄉
忘機却羨河間鳥日傍寒漪狎野航

文德翼 字燈巖德化人崇禎末任嘉興府推官

嘉興

去郡迢迢星再周重來風景使人愁同年曲水都黃壤
小友長源也白頭箔上蠶荒稀入市林間鶯歇倦登樓
蓬開兩岫爭相看記得形容是故侯

魏禮 字和公寧都人

嘉禾道上

征途嚴夙駕起坐聽雞鳴細雨望中合諸峰雲裡生炊

烟邨斷續春艸路縱橫苦旱今方稼紛紛又說兵

王又旦 字幼華邵陽人

鹽官雜興

陸欲策乘風先景之良駟水欲駕蘭槳桂棹之輕舟朝
飛經孟諸之廣野夕挂席江漢之清流生平閱歷苦未
多我聞騶衍大九州家人但望安舖糜此事難同妻子
謀曩中苦少金錯刀跼蹐豈能事遠遊

景光不可住紅顏日夜凋鍊金餐玉空爾為追思往事
心鬱陶我登秦駐山人言祖龍欲駕巨浪作長橋三山
神人望不見流波終古白蕭蕭

徐階鳳 字竹溪宜興人

雨中遊沈山觀九松和蔣亭彥韻

好遊不避雨戴笠理輕楫江漲盪胸寬村樹含烟密循
岫入麟溪攜手登仙室修廊窄步閒孤嶼水鳴急風籟
洞中聞瑤草階前拾坐數北山松九株雲外植總之寒
不凋名狀何須一吾儕學餐霞盍亦采其實丹丘可追
尋不負西園集

季振宜

字滄葦泰興人官御史

送沈馨聞歸嘉禾

明月何皎皎白雪何漫漫借問誰家子中坐發哀彈沈
郎來攜李腰細帶圍寬少輸并州兒不屑事銀鞍抱書
守家風夜猶升屋看二十餘年間都為兵火殘海內今

無事烽火報平安家道已衰歇萬緒如歲闌豈無木石
銜大海何時乾私憐微禽志結瘁心力殫異人授秘錄
亦知玉當餐祇園慚良馬世俗實寡歡苦言接軟語余
聞再長嘆朱門臭酒肉高士稱貧寒身墮纏蓋中可謂
無心肝一唱黃雞曲星斗欲闌干江畔有輕舟羽翼未
為難但憐餘雪在慎勿著衣單

顧贄

字蒨來吳縣人

石門鎮

昔年吳越地此處設王宮戰氣千年盡悲風日夜寒采
桑成白紵縹水出冰紈筐篚天家貢行人莫浪看

張養重

字虞山山陰人

語兒閒步

語兒溪可住攜手岸前行處處門臨水家家樹歷城過
橋花犬吠倚閣暮鳩聲滿眼皆叢桂香風一路生

錢霍

字去病
上虞人

同朱敬身舟過橋李道中

舸船信宿嚮晨開為客欣同作賦才別浦聽歌風送轉
薄雲出日雨飛來青青野麥侵書幌拂拂荷香上酒杯
擬到姑蘇邀月色相攜取醉虎丘迴

葉紹袁

字仲韶吳江
人官禮部

輓錢烈婦

蒹葭初長綠萍灣梁孟雙飛獨自還郎夢不離三月水

思夫空望五湖山

薛寀

字諧孟無錫
人官太守

輓錢烈婦

列陣貔貅壯金笳早渡關黃雲吞白晝碧水莖紅顏杜
若遺香珮江蘿想翠鬟傷神荀奉倩時見淚痕斑

汪琬

字茗文蘄州
人官編脩

寄題鮑聲來草庭

鮑生嗜讀書書室開南榮梧石羅四周清陰覆門衡如
何了不顧而以艸名庭艸類區以別剖晰不厭精蒺藜
善蔓延蓬藿易縱橫葶藶苦如藥荇蕒甘似飴莛莢差
可染菟葵略堪烹芄蘭本非蘭壘葦本非葦凡此皆惡

種詳在爾雅經生也愛芳艸辨之已分明種植與溉壅
往往手親營露濃翠甲滋日暎珍芽萌晨夕觀萬變采
香擘其英陶令藝籬菊湘纍佩畦蘅二子不偶俗晚節
尤惇惇生也生東南才穎超楚倉行脫薜荔衣翻然出
柴荆空畱庭前芳搖蕩春風輕

董含

字榕菴松江人有
藝葵草堂藁

遊當湖塔院眺乍浦諸山

登臨還極目浩蕩踏金鰲近海濤聲壯連山霧氣高岸
腥魚集網霜冷雁投壕野渡歸來晚秋風繞桔槔

弔朱買臣墓

行年五十尚飄蓬乍縮金章意氣雄半世功名甌越外

六時鐘磬墓門東檐花落處竄飢鼠松露滴時吟野蟲
富貴浮雲何足羨手摩殘碣問西風

登煙雨樓

片帆落日下鴛湖烟雨依然似畫圖殿廢祇餘新覆瓦
樓傾空對舊啼烏屨穿翠蔓無僧問酒颺青帘待客沽
作吏幾人能好事一川風景至今孤

泊西林禪子道場

艤棹重經落照灣古松殘碣一追攀殿門雨過金書濕
石逕雲荒碧蘚斑沙擁暮潮垂釣坐江翻寒月覆舟還
摩挲遺像空歸去那得機緣似夾山

楓溪曉發

柵外漁燈明滅林間烟靄霏微自起呼童貰酒紫螯黃
雀初肥

鴛湖夜泊

西湖纔別又南湖倚柁秋風興不孤葭菼漸稀霜信早
夕陽紅樹散啼鳥

舟經武塘蔣亭彥杜于皇枉過予以行促悵然而

別

相看顏髣各蹉跎欲話心期奈別何準擬論文重放艇

白牛塘下水微波

陳維崧

字其年宜興人官檢討有授簡湖海詩稿

海鹽女

海鹽徐氏女許嫁印家郎阿翁晝下帷誰何發屋決處
屨提刀躍入白差差公然竈下橫其尸兒傍驚怖發狂
癡唱唆瘵瘦牛羊鬪媪令閭嫗來致辭已無婚理休然
疑女今決絕勿復遲他家新婦湏好爲阿女仰天言一
一淚作珠子垂女是徐氏女當年許嫁印家兒印家門
戶碎亟須健婦相爲持登車不返顧入戶搯搯操帚箕
翁家楸枅何纍纍疊若醬甑鹽醪瓶一兒臥蓐如死灰
舊鬼乞食新鬼飢妾身只十指手築馬鬣爲封之上堂
奠饗瘞病夫還復待哺糜茹荼雖苦甘如飴鄰娃切莫
代妾悲但知同牢誼遑惜幃房私妾年已過而立歲至
今自爲画蛾眉

舟次石門

小邑一江明江頭鶴自鳴那堪今夜雨獨宿語兒城作
客年空老依人氣未平此鄉烽火後戶戶擣衣聲

林鼎復字天友
候官人

泛舟隄門訪高元表晚歸有述

歸舟泊寺門風寒聲窸窣寂寥稱孤客踈鐘偶然發晚
色滅殘霞隙光生早月去家千餘里顧影何滯越一刺
久在懷漫滅于誰謁紛余抱素心不顧憐傲骨煨芋共
老僧地爐燒楮拙夜氣涼露侵梵唄初未歇徂秋復涉
冬風景倏颺忽東山百世師胸次涵溟渤一往有深情
但愁別倉卒

附考隄門在秀水縣治西二十七里
鎮夾運河今經兵燹居民稀少

高兆字雲客
閩縣人

湯御史行有序

湯公諱芬字芳侯嘉興人庚辰進士以說大帥遇害
于福寧州寧德縣藁葬海濱越十五年壬寅其子騏
字千里披荆榛刺血滴土得其骨負以歸

先皇死國忠臣盡四海南奔那足問天隅流落故臺郎
夜行獨出秦川郡繡衣滅裂垂兩肩傷心鐵印磨腰穿
嬰城故人總開府樓江諸將空樓船樓船殺氣星如掃
孤臣匍匐炎天道白頭已殉由拳城一身猶赴田橫島
新市邨邨各有君攀龍附鳳爭將軍恠爾能簪獬豸筆

徒步來穿虎豹群座上風雲叱咤起義兒負劔冠披靡
魯連未解平原圍酈生已向歷城死海天昏黃血糝糊
老翁手提七尺軀緼火登丘舉長鍾黃泥白艸鳴妖狐
同時節士聞太息纍纍積石橫胸臆行人那識御史墳
飛沙已沒墓門棘此事虛無十五春中原大節久沉淪
有子尚收文舉獄招魂誰問汨羅津太白蒼蒼落日急
孤兒脫繫思翁泣從亾奴僕死凋零經過親串病呼吸
辭家痛哭入南方足繭眼穿逐風霜寧陽城外知何處
霍童山前空斷腸斷腸悠悠行路者自言家住荒丘下
曾看生際玉貌身嘗騎死後青驄馬嗚呼公子且莫哀
縣官清野令風雷明朝下帖開邊障老兵負弩除艸萊

十里沙礫百里海波濤滄溝墟里改麻衣一望沙田號
土人共指銀魚在重泉初開日月昏觀者辟易聲淚吞
溫序髭鬚飄颻動卻鼓頭顱精爽存孤兒抱持眼流血
血落草枯肝腸絕衣冠重裹柏榔新關山仍導烏衣節
吁嗟乎湯公歸去石塚高黑頭孝子歸林臯可憐玉匣
無消息春風何地長黃蒿

胡山

字天岫
海寧人

與彭孫貽

武原吾舊住結屋近滄溟鹽井縈沙曲魚風入市腥秋
雲蜃浪黑夜雨鬼燈青會有乘槎興還尋織女星

姜圖南

字真源
錢塘人

晚過語溪

歸棹已如此微微向暮情豈知秋月滿夏覺野烟生帆
落斜依渚人歸半入城紅霞飛不盡一片樹中明

徐崧

字松之
吳江人

過金粟寺值日暮宿舟中

金粟茲重過東風日已西扁舟紅樹雨古寺綠蘋溪暮
靄冰寒磬晨星照路泥殘僧同水宿不寐候鳴雞

趙炎

字雙白
福清人

寄酬武塘錢仲芳韻

數畝傍西郭淡雲護小廬桑麻兼魏晉烟火半樵漁頭
白仍耽酒江寒獨擁書向來叩皇甫親見帶經鋤

大滌唯君在悲歌不自休中原哀二表九辨動千秋魚

鳥存遐思江山寄小樓懸知開徑日許我作羊裘

才名兄弟蚤大曆席平分想像來三島尋常視五雲山

燈蟲裡坐人語葉邊聞回首蒹葭路如何不憶君

梁佩蘭

字芝五號藥亭南海人
官庶吉士有六堂堂集

送沈客子還平湖

客中見花發歸思向花濃燕地滿碧艸馬頭生亂峰行
看南湖月坐聽平湖鐘湖上鴛央鳥雙雙栖影重

寄沈方舟駕湖別業

南湖三十畝君在鏡中居菱葉烟浮水梅花月照廬人
閒湘簟冷風遠玉簫疎何地無佳興高吟出夜魚

送徐序仔歸嘉禾

為客真無補還家慰倚閭二年湖上雁幾紙嶺南書山
驛紅柑樹江城白小魚高堂有慈母猶得進盤蔬

送朱竹垞太史還禾中

錦袍爭似紫荷巾異代風流賀季真若道文章留館閣
一竿秋水又何人

陳三島

字宦客長洲人
有雪圃遺藁

贈魏允紳

子春刺船去伯牙鼓素琴群鳥相鳴號海水為陰沉寥
寥千載下四望無知音朝歌猗蘭操暮歌梁甫吟抱膝
一室內俯仰增悲心孟秋涼風至颯然吹衣襟

李因篤

字天生富平
人官檢討

陳平湖之官附懷曹秋岳先生

宛馬春嘶浴秦淮路入吳風塵雙屐淺雨雪片帆孤把
楫瞻青嶂褰衣滯綠蕪邗溝送湖尹為寄采苓圖

塞表香蘭接關陰玉珮遲風愁凝薄暮遺恨失臨岐二
月歸鴻少三江落日遲相思消鬢髮俯仰寸心知

日對東流水曾無西上魚自惟成邂逅何敢任蕭疎細
柳延彭澤浮雲走孟諸隔江春御短前渡一躊躇

楊雍建

字自西海寧人
官兵部侍郎

南湖有感

佳人何縹緲綠水夜光浮寂寞梨園曲蕭疎竹徑秋滌

愁還問酒乘興即登舟鄉夢蘋花冷浮生愧浪游

周茂源 字宿來 華亭人

崇德與顧震雉別

雙帆落處日初斜把袂吳關感歲華積雨不分長水路
輕寒猶壓語亭花金尊白酒離情切画舫春燈客夢賒
明發便同南去雁那堪子夜動悲笳

曾燦 字青藜 寧都人

崇德縣有萬鴉巢城東古寺感賦

鬱鬱城東樹日暮萬鴉集結巢不能穩飛出復飛入樹
高與寺齊攀折手能及鳥性愛清曠此獨巢城邑山路
雲木淡湖田夏水急乃知稻梁謀使人無獨立

汪懋麟 字蛟門江都人官主事有百尺梧桐集

送陸義山編脩乞假歸當湖

與君握別當春風可惜東華試燈夜對酒惆悵秋碧堂
落日無多在簾下山川圖画正滿眼中有扁舟去如瀉
清波灩灩疑當湖烟樹搖空布帆亞君行儼入圖畫中
活水輕風不須借寄語承明一輩賢但說榮名舉手謝
坐擁小妾看添丁瀟洒琴書倚田舍山中意趣人少知
此味依稀如食蔗拋却官書真自閒任取狂吟豈堪怕
送君令我生愧心杜宇春溪向人罵

楊無咎 字震伯 吳縣人

郴州曹掌公暨弟達夫過訪追憶舊遊有懷霍客

不勝黃壚之感因賦一律

寂寂空庭遍艸萊華門重為故人開水沉雙劍三年別
雨送孤帆四月來鄴下風流應未遠曹家兄弟最多才
獨憐草檄人長逝相對能無使爾哀

殷麗

字嘉生
吳縣人

嘉禾道中

柳色旗亭半郭邨昔年遊處景猶存船過三塔驚龍窟
漁集雙橋見石門乍得市酣銷白日却看戍火又黃昏
南行不厭宵征苦十載滄洲繫夢魂

徐緘

字伯調
山陰人

南湖

昨夜南湖雨點齊蓼花灘沒板橋低美人曉起舉珠箔
無限白雲飛出溪

黃雲

字仙棠
泰州人

鴛湖棹舟過吳佩遠東溪邨舍

隱隱茅茨雞亂曉問程多指隔前溪夫人廟角殘陽滿
擢入桃花路轉迷

吳耕

字現田
休寧人

秦塘晚照

昔王遊幸處道路尚畱名落日孤城冷晴湖一帶明英
雄常代謝雲樹獨淒清隔岸聞漁唱行人無限情

周積賢

字壽王
華亭人

題過京兆公山左賑荒圖

詳本傳

神皇久治多宴安
耄勤荒政開畿南
飢民枕籍自相食
二東白骨堆丘山
成山先生西臺老
璽書趨召登金鑾
至尊自把天栝餞
太府還將國帑頒
臨軒慘淡承天語
千里舉帷遍膏雨
手調饘粥哺孱兒
口啣藥艸塗瘡痂
自是蒼生得夏蘇
萬戶爨烟同日起
男生呼作過公兒
女生呼作過公女
此圖一獻天顏開
勅付蘭臺傳信史
三十年來事反覆
故老啣恩猶夜哭
御史府中烏正棲
京兆堂前草徒綠
嗚呼丈夫有志能
濟時不作三公意
亦足

沈琰

字凝峙
松江人

陸孝山太守園亭重晤澹歸和尚賦呈

乍見還成別
風塵振錫空
孤雲隨蠟屐
一鉢起潛龍
樹老蒼藤黑
山溪返照紅
重來杯渡處
人識舊支公

附考園在東
湖芙蓉堤上

杜濬

字于皇號茶却黃
同人有變雅堂集

倦圃詩為秋岳賦

谿山真意閣前啟
對滄浪帖石雲生
罈牽蘿翠繞廊蕉
淡垂露重松老落
花香意頗思鄰近
邨西問艸堂
此地推林壑朱家
放窄洲繡衣心夏
遠倦圃地偏幽萬
竹干霄去雙槁信
水流遶園無限好
收拾在扁舟
宇宙行金令江山
艸木稀如何東嶺
樹直可數人圍陰

密長含潤風生歛動衣鶯聲牽親切不到上頭飛

沈玠

字昭子海寧人官翰林院編修有耿巖文集

癸亥秋日同人讌集真如塔院衷曹秋岳先生

兩國人文會岷峨本競高于今江左席孰與謝公豪霜
染秣陵樹波傳胥嶺濤盤空同極目延望主風騷

趙吉士

字天羽漸岬人官給事有萬青閣詩

寄懷孫古隍傳臚

殷勤素謁忍重論舊侶南翔只半存胸次何曾忘醉李
眼中久不見髯孫松扉返照依苔井羅幄垂陰覆石樽
懷汝杉青無處問離離艸蔓古禾墩

周斯盛

字證山寧波人官知縣

謝廣文維賢招同陸秀才聚緱泛舟東湖時清明

前一日

僧舍經旬祇病眠不知春事滿湖邊相攜出出城東去
楊柳桃花氣欲煙

令節正逢一百五輕舟閒泛兩三人弄珠樓下波如酒
醞碧搖紅滴瀟新

處處招提有茂林鳥啼花落得安心分明翠竹青青意
誰向鋤雲去後尋

普濟庵為鋤雲上人自焚處

吳雯

字天章太原人有蓮洋詩

贈匡山老人郭襄圖

匡山老人齊得喪髮髮蕭騷骨骯髒讀書萬卷眼不昏

飲酒一斗神猶王五經腹笥何便便蹉跎一官失少年
宰相豈肯借車馬司業何曾與酒錢竭來燕市屠沽飲
醉聽琵琶夜忘寢節鼓常敦翡翠盤翻杯輒浣葡萄錦
千鍾百榼氣轉豪客帳猶懸舊寶刀起舞身搖謝蝴蝶
和歌聲亂鄭櫻桃忽對長空見歸鳥自傷爲客何時了
金馬門前再住難春明待走邯鄲道

題沈客子林屋山居圖

紫茜當年有舊廬如何又買洞庭居閒名世上喧騰甚
待學琴高控鯉魚
具區三萬六千頃隔斷人間事似麻石室金庭休更覓
此中大好讀南華

黑牛耕熟崦中田橘稅茶租取自然清酒百壺書萬卷
不須更費沈郎錢

送李分虎

牽牛花開秋氣清千山萬山君獨行到家甚覺還家樂
書卷傍邊絡緯聲

李漾

字瑤沈號西陂南通
州人有南山隱詩集

九日嘉禾道中

越水吳船去不窮駕央湖畔望空濛天雲漸釀重陽雨
客况行愁九月風櫓背菊殘綠兩岸渡頭桑矮列千叢
明朝擢入南屏路似拭秋山翠靄中

張守

字曾符松江人鹽城
訓導有菜園詩葉

裛舊詩爲禾中嚴宸臣先生作

籍甚嚴夫子平生未可忘五車娛歲月一第老行藏和
寡空歌雪知微爲履霜寸心千古在欲訴不成章
艸閣聯吟夜孤城對雨時話兼千載事心獨兩人知北
海樽猶在南州榻未移燈前形影斷但有夢來時

太傅東山墅年年此過從

外舅徐太宰別業在角里之南先生與弟覽民向同游處今子愿兄弟亦常會

此祠堂仍漢臘松樹豈秦封金谷花重艷銀瓶酒正濃
臨池霏暮雨秋思滿芙蓉

客路驚秋盡丹楓起白雲登山懷宋玉撫劒憶徐君青
眼慙余負黃泉痛爾分楚騷如可續空有大招文

黃與堅

字庭表太倉人有忍庵集

語水道中

垂垂雲影黑吹雨入篷窗樹迥爭遮越山俄欲渡江一
灣打魚舍數點採菱艘更作迴頭望汀飛白鷺雙

錢光繡

字聖月鄞縣人有歸來閣集

范蠡湖

西施辭越幾千載此地猶傳范蠡湖梳粧臺下菱米熟
暖風吹香香有無幽魂髣髴不可見兩岬桔槔聲歷亂
須臾愁月效眉顰還似入宮初掩面丈夫寧滌臨叩器
忍以朱顏博富貴伯圖亦似有良謨何必女戎滋訕詈
嗟嗟少伯如可起應悔當年失策矣治思閒情一往淡
倚棹徘徊夜如水

楊樹聲

字無聲
漳鄉人

褚硯耘招飲園亭

寂寞楊雄宅蕭疎仲蔚樓雲封石砌暖月出板橋低弱
柳迎樽學名花引杖藜那知千古意珍重付黃鸝

董俞

字蒼水號樗亭華亭
孝廉有浮湘度嶺集

和東湖少月韻送沈南疑歸當湖

欲別沈郎哦妙句酒闌挑罷竹窗燈蘸波弱柳拖千縷
窺戶新蟾逗半稜鼓角荒城催暝客魚蝦小市上春罾
撚鬚擬和驚人語故步慙余失壽陵

疊韻送徐啟遠

分明寒食遠邨圖燭影江亭帶夜烏白首交遊惟孺子

青山著述有潛夫春風小圃殘梅落幕雨閒庭碧蘚鋪
即此東湖招隱地野人歧望抵蓬壺

疊韻送借山上人

採得菴絲不暫停闔閭城畔漾歸舲座中恠我頭先白
花底逢師眼倍青久住雲山偏識路偕游麋鹿欲忘形
何當訪爾禪栖處樹古巖幽一卷經

朱克生

字周禎寶應人
有環溪詩集

同計甫草泛東溪訪朱子蓉不遇

迴廊高閣幾追攀鼓柁仍尋舊路還翠竹兩崖人不見
塔鈴聲在水雲灣

王爾梅

字子和海豐
人有南遊草

晚泊嘉興

日斜抵檣李蕭寺起鐘聲燈火移舟見星辰穿樹行近
城喧爆竹到岬罷棋枰應對鴛湖月飄零酒一觥

程瑞禴

字孚夏休寧人
有羅浮近草

泊王江涇

舟橫野浦臥沙明五月涼生景倍清燈火照波螢亂點
鳧鷖隔岬夜無聲千林桑葉畱人採萬頃湖田待雨耕
記取東風還有意酒旗吹向盪閭城

附考在秀水縣治北三十里按宋祝牧方輿勝覽王江涇在漕河東因巨
姓黃氏江氏居此亦作黃江涇元岑士貴稅暑亭記云聞川市又名王江
涇舊在官塘東
宋徙置塘西

姜梗

字鐵夫會稽人
有曹山岫堂集

丙辰臘日訪魏青城畱沙園度歲

大雪一千里燈前見故人寸心難契濶白首論情親解
綬君投佛披裘我負薪茫茫天下事何處問前津
豈有十年別胡為明日行江湖足風浪天地正屯兵古
道一人立狂言四座驚明朝冰雪解梅萼報春晴

錢澄

字飲光
桐城人

新秋登慈雲寺千佛閣

武塘彌望盡平疇高閣憑欄指顧收殘暑已應辭薄暮
驚鷗陡覺入新秋千家樹簇孤城靜百道溪穿滿邑流
最是下方憂旱切雨壇鈴盃晚來愁

附考寺在嘉善縣治西北三國時建唐名保安禪院
宋治平間賜今額明宣德間增脩殿後有千佛閣

姜遴

字萬青華亭人官庶吉士

讀柯南陔幔亭集

曾讀屯田一卷詞曉風殘月起相思今朝重把南陔集
欲倩春鶯譜竹枝
不信蛾眉怨獨多新詩哀艷意如何看來李嶠真才子
愛咏人間水調歌

釋弘儲

字繼起通州人

辛丑赴金粟宿鶴洲

竹光水影蕩迴廊疊碧飛青雀路長身入米家圖画裡
野航清曉坐瀟湘

釋曉青

字確菴吳江人

壬寅題霍洲艸堂

艸堂之名雙耳熱大小園林推冠絕憶昔追從杖履遊
佳處知難盡曲折十日一山五日水移得画圖來屋裡
縵碧凝寒枉鬪竒筆蹤遺落天然美老樹臥波龍躍潭
瘦藤結束如花龕我欲借君方丈地晨昏叩擊資冥探
瓶鷺一呼應聲出縱去仙禽休再詰千古風流若眼前
裴公作事多真率感君不在一飯恩形骸何物肝膽存
青鞋布襪自茲始願無謝客書其門

釋南潛

字月函長洲人原名董說

夢至梅里

時聞老母過梅里董庵

晨起意不懌夢斷吳天空極目西南角越山青幾重夏

雲無意緒堆作千萬峰遊子亂方寸躑躅將何從
小立青松根新夢聊自理恍惚梅里行孤邨影寒水離
親雪晴中鶯聲今復爾母子話溪堂斜陽射衣紫

釋觀衡

字顛愚霸州人
有紫竹林集

訪朱涇船子道場

考見
方外

含虛魚口大鈎餌若何施斫盡南山竹空垂東海絲癡
心惟自適明眼更誰知獨有朱涇月清輝似舊時

釋行明

字養拙
蒲東人

題密印寺

大瀉青不了一寺此中開鳥向坐時語雲從吟處來衆
僧禪已定新賦苦難裁閣筆一長嘯悠然更上臺

釋元志

字寓谷餘干人
有蘭偶堂集

東湖坐雨

月影不離水竹聲時到堂檢書忘旦暮與硯共行藏十
里湖光曉千函貝葉香何緣時到此秋雨閉山房

宿化城菴

負郭精藍此最幽長隄風細柳絲柔齋鐘遠入春湖雨
梵唄驚回古渡鷗自有神魚霑世澤陸大司寇
有放生湖絕無漁網
下清流南薰似夢疎狂客吹散匡牀萬種愁

附考菴在當湖東岸舊曰爲邑
今化城羅公生祠遂以名菴

釋宗渭

字筠士號紺池太
倉人有芋香詩鈔

烟雨樓夜泊

落帆亭畔草芊芊放霍洲邊好泊船片席涼分三面水
半湖暝接萬家烟烏啼霽月高秋晚角吹清霜旅夢懸
雖有勝情無勝具憑欄凝眺重凄然

朱中楣

字遠山南昌人李少司馬元鼎妾

寄輓嘉禾三烈

為張遠林少司馬作
考見閩考三十三卷

我聞虎丘涵劒光遊人千古弔貞孃又聞錢塘蘓小小
客過唏噓憐春艸如茲二婦何足竒不朽曾不讓鬚眉
何況雲黯燕臺月折玉埋香悼三烈三生石上舊因緣
矢志長齋繡佛前千迴萬劫祇一死共視微軀薄如紙
為子歿孝臣死忠三心皎皎將母同絕命詞成不返顧
倏然遂隔泉壤路廣柳蕭蕭易水寒胥濤日夜撼江干

楚有蘭兮湘有竹疑化鴛湖滿溪綠而今行道指豐碑
風雨酸辛猿鳥悲試看遼東歸來雀惜哉九原不可作

王芳與

字芳從餘杭人侍郎嚴沆室

憶子餐畱鴛湖

柳瘦輕烟際迎風引緒長有愁難寄酒無淚不沾裳芳
艸遲歸棹遙山待好粧問君湖畔宿幾見好鴛央

朱柔則

字道珠錢塘人沈方舟室

遊鴛鴦湖

沿流一櫂晚風涼蓮子花多水亦香莫恠成雙還打散
由來命薄是鴛鴦

登烟雨樓

南湖千尺起高樓
女伴相扶到上頭
一片離愁似烟雨
西風吹滿白蘋洲

伎文娥

松江人

賦荅沈上舍南疑

幾縷爐烟蕩晚風
歛衣閒立小庭東
生憎蝴蝶偏多事
拂落山櫻滿地紅
綠窗無事懶搗箏
小捲蝦簾坐聽鶯
客到不勞鸚鵡報
隔溪吹到踏歌聲

沈南疑先生攜李詩繫第四十一卷終

沈南疑先生攜李詩繫第四十二卷目次

謠諺

秦

水市謠一首

長水謠一首

平湖

金

南鏡

夏聲

校閱

三國吳

西鄉兒語一首

唐

迴波詞一首

華亭君歌一首

元

方推語一首

丁酉謠一首

明

京師語一首

洪令語一首

徐守語一首

張令歌一首

安妃語一首

潘明府語一首

陸青天謠一首

王瓜諺一首

花瓦謠一首

洪遇謠一首

楊令語一首

閩中謠一首

平湖諺一首

涇縣歌一首

楚雄歌一首

江南諺一首

吳諺二首

吳中諺六首

當湖二諺

童謠一首

國朝

二令謠二首

公歸謠一首

沈南疑先生樵李詩繫第四十二卷目次終

沈南疑先生樵李詩繫第四十二卷

平湖 金南 鍊 夏聲 校閱

秦

水市謠

長水土人有此謠始皇聞之乃從此過與人乘舟
交易以應之按水市合為沛字應漢祖起沛也

水市出天子

長水謠

時有老嫗聞謠甚懼日往窺城門門侍欲縛之嫗
言其故後門侍以犬血塗門嫗見血疾走忽大水
至遂淪為谷

城門有血城當陷沒

一作城門當有血城陷沒為湖

三國吳

西鄉兒語

黃武二年由拳西鄉有產兒便能語因謂其鄉曰語兒

天方明河欲清鼎腳折金乃生

一作天明河欲清脚折金乃生

唐

迴波詞

嘉興令楊廷玉武后之表姪也貪猥無厭時人為之詞云

迴波爾時廷玉打獠取錢未足阿姑見作天子傍人不

得抵觸

華亭君歌

唐末琅琊張聿為嘉興軍華亭令有以干乞至境上者聞民此歌不謁而去

華亭君來幾時免我疾苦療我飢

元

方推語

至正中淳安方道叡為嘉興路推官讞獄明恕民為之語云

方推一斷死而無怨

丁酉謠

丁酉八月張士誠來攻嘉興參政楊完者以大軍
四伏使小舟誘之至杉青閘多積葦以待風大起
舉火焚燎敵死甚衆遂舍舟登陸戰於東瓜堰大
破之張士信伏水遁然完者凶肆掠人淫污婦女
少拒即指以通賊民間謠曰
死不怨秦州張生不謝寶慶楊

明

京師語

穎上李芳中永樂中進士任刑科給事中執法不
撓忤權倖謫海鹽丞棄官歸宣宗嘗顧問曰李芳
何在近倖畏其剛直多沮之京師爲之語曰

永樂紀綱宣德李芳

洪令語

弘治末金溪洪範爲嘉興令有才略大類楊太守
繼宗士民爲之語云

洪令楊守承前啟後

徐守語

正德間貴溪徐盈爲郡守有善政郡中語曰

徐公祖步楊武

謂楊繼宗也

張令歌

張濂蘇州人正德末爲海鹽令民歌之

前堂無吏人後堂無優人堂下無犯人

安妃語

憲廟安妃姚氏郡城人生而端靜每遊息必御大道中央家食貧常習緝木棉躬貿易俟日中市囂屏息乃就市目無忤視人多異之一日早盥靚饋水中有日月雲霞五彩扇夾兩旁爲白父母甚驚恠未幾憲廟遣中貴人下江南廣小星之選里人以妃幽閒多令德且居恒有恠徵爲白中貴人應召父母昆弟念入宮無相見期聚族而哭妃顧謂曰是行安知不大吾門何用涕泗爲既治裝登舟過平望妃髮素種種不盈尺一夕髮長委地進御數年生壽王縣官貶恩澤抵郡父母皆物故無可

踪跡者其弟福圓方躡屩負擔鬻諸菓于市中得之令習禮博士勉教爲拜起跪立即日授錦衣衛指揮同知民間語曰

誰氏子賣青梅朝藍縷夕錦衣

潘明府語

平湖潘鵬正德丁卯舉人家貧力學授肇慶府判未幾乞歸窮如故談經爲後生師表里人爲之語曰

書中車馬多如簇潘明府無一舟一僕

陸青天謠

嘉善陸邛知武昌府郡人謠曰

陸青天勝明月青天無不青明月有時缺

王瓜諺

嘉靖庚戌春三月大風雨三日李樹生王瓜遂有倭難

李樹生王瓜百里無人家

花瓦謠

田州女土官瓦氏嘉靖十四年調之征倭至蘇州索有司捕蛇爲軍中食敗倭於王江涇時人語云花瓦家能殺倭腊而啖之有如蛇

洪遇謠

歷城洪遇嘉靖間爲秀水令有惠政以艱去邑人

謠曰

洪遇再來天有眼某某不去地無皮

楊令語

楊挺高金鄉人嘉靖中由進士任海寧令有廉名後補平湖蒞湖三年即服食細品必衙中紡織藝圃以自給入覲時語云

天下清官楊挺高

閩中謠

嘉興譚昌言爲福建提學人有投私書者槩不發試竣題數行裏原書復之閩人語云來一封去兩封以爲不信視郵筒

平湖諺

平湖俞巖字廷貴有行誼熊卓知縣事引與計事行之民輒曰神明或干以私遂謝弗與通里人諺曰

郭東俞生當春握冰

涇縣歌

嘉興高承埏知涇縣將去民歌之曰

眇公車來何暮計公程去何馬公內召我何之急攀轅告上司上司揚言不可止入都門見天子

楚雄歌

秀水朱大競知楚雄府政尚廉靜甫半載丁內艱

幾不能治衰歸郡人歌曰

清廉太守一世難百鳥有鳳鳳有鸞

江南諺

江南田家占雨諺曰

甲申尤自可乙酉怕殺我

按二語宋南渡時即有之見范石湖詩註相傳至今適成嘉興破城之讖

吳諺二首

官糧辦便無飯

南道如虎升官半府

吳中諺六首

有利無利但看二月十二

花朝日晴則百果多實

三月溝底白莎草變成麥

三月無雨麥乃有收

六月不熟五穀不結

秋孛鹿損萬斛

立秋日不宜雷

若要麥見三白

冬至逢第三戌為騰臘前雪三次謂之三白大宜菜麥

除夜犬不吠新年無疫厲

當湖二諺

當湖象佗珠九水環繞案山有塔及陸敬輿祠今

廢自來相傳云

九龍爭珠大物且至

案山脊出奎光乃發

童謠

朱竹垞太史靜志居詩話云此予童稚日偕閭巷

小兒聯臂蹋足而歌者不詳何義亦未有驗

狸狸斑斑跳過南山南山北斗獵迴界口界口北面二

十弓箭

國朝

二令謠

順治中平湖有金鍛倪适二人為令皆貪穢民為

之謠曰

金皆鍛去倪盡迨來

公歸謠

平湖陸隴其康熙庚戌進士初任蘓州嘉定知縣


清操飲水愛民如子以誑誤去官與妻同駕一舟

惟有圖書數卷織機一張而已邑人為建生祠刊
公歸集以送之并為謠曰

陸公歸舟何所裝圖書數卷機一張

沈南疑先生攜李詩繫第四十二卷終





1/2

1/2